





王遵巖集卷之三

晉江王慎中道思著 後學張汝瑚夏鍾選

序

送河南左方伯范藩溪公入覲序

今河南分省。奄有豫州。兼履徐荆并冀之餘。封有土
與民。比古諸侯之國。在於所履之內者。以百十。左使
皆統而治之。古所謂九州之長。得以君稱於其國。入
天子之國。曰牧者也。所統旣廣。地大人衆。衣履冠帶。
甲於四方。藁桔粟米。貨賄筐篚之輸。以克備太府。填
給邊圉者。旁美溢出。置藩基錯。固磐石之宗。孫子不

億如螽斯繩繩之盛而當食於其土計口受祿歛入之途益以多端又亘河被山盜紡鼓鑄椎埋攻剽之奸往往而有宛丘之婆婆溱洧之相謔河上之翱翔林下之喪馬妹邦之崇飲城闕之挑闖猶有未殄之風獄因以繁士皆亡伍而人材濶於學校若是者皆有責於政教而左使者政教之所出也豈不亦居勢之難者乎而潘溪范公之來爲左使於河南也屬屢飢之餘歲流離餓餒人不相保多救死之心榮辱不知而禮節之所難御居勢之難而兼遭其時公仁心爲質誠發於中若疾傷之在胸腹肢體惟須臾之不

能安朝論夕省。矻矻不倦。求民之所好惡。思其取舍之方。不越堂階。而四遐之陬。山居谷聚。怨咨願欲之情畢得。出慮布條。授意群吏。使推明而行之。孰就餒而待哺。孰思還而無宅。孰有田而不耕。孰嬰疾而未藥。招徠休煦。賑發補助。開示科指。本於篤生之心。躬行素約。以導人之所嚮。則壤之賦。非可罷減。嘗使征督。後於綏輯。度其輕重。用一緩二。民旣懷和。寧其幹止。樂生之氣。還於區內。論士之秀者於鄉。以三物賓而禮之。以貢於上。居勢如彼。遭時若此。爲之未久而政教之大者。皆已具舉。蓋公之爲長於是州。亦可以

稱於國曰君而不慙於其號矣。而當入天子之國。述其所職。以修常典。公宜以其爲河南者。告于天子曰。自臣之至河南也。民有枵腹子立。而困於子役者。今也病者起。而飢者食。膚革克盈。復完爲人也。有棄屋廬。并竈而他徙。舍耒耜而竊者。而今也荷擔而還。築投戈鋌。而緣南畝者。不絕於里閭也。有官師啼飢。子弟改所業。以徇一飽。而奪其志者。而今也挾冊而誦。鼓篋而來游。父兄長老。知以爲榮也。臣不佞。不敢爲謾。其隱賢而自蔽。又非臣所以來朝之實也。天子方隆虞帝之德。闢四門以詢四方之治。忽其察聽於中。

州爲詳必信公所自言之不謬於其功也。且有以命公矣。昔漢龔遂自渤海召入。其客教以無自言功。歸美於上。遂以此蒙賞。而世亦以客爲好謀。此特後世佞媚之術。非先王君臣相與以誠之道也。虞廷之典。敷奏以言。明試以功。其所言也。乃其功也。惟其功言之不相謬耳。公之往也。其母以自言功爲嫌哉。

夏鍾曰氣味風調宛肖西京先生本領深厚爲文不貌西京之形而獨肖其神所以爲真西京也

別程侯習齋公還西安序

古者公卿大夫與士相求之急上焉者不知有其勢。下焉者不知有人之勢。惟其相遇而已求之。旣遇而

相與以樂崇高不見於上。卑賤不見於下。所樂者道。而上下之形不得存焉。內以明其心。外以治其身。勉焉孳孳而不能自己。相與以有成。而要以足其在我者。豈以相爲賜哉。世與道交喪。上亢下調。士之躁中而巧於詞者。廼始爲矜誕高詡之說。以謂上之人才力氣勢足以振士之窮阨。下之人言語文章足以顯公卿大夫之名聞。持以相易如售物於市。而其權常使卑賤者勝。將使公卿大夫不可一日而不求士也。其亦誇矣。然而言語文章士之能此者。常間值而偶獲才力氣勢之在於上者。足以濟其所好之施。充其

所及之餘而無所不得而上之人未始一求焉則亦公卿大夫之過矣。一有求之者士亦且侈然張大推說以爲瑰偉絕特希濶不可見之盛事。嗟夫果其求之出於上而干之不出於下視古者以道相樂之風蓋已遠矣而士猶侈然頌之况其干之而未嘗求之耶其將益亢且調而斯道之行於上下之交以相勉明者終不見於世與是可慨也。西安程習齋公爲泉州公魁磊奇傑受材特異事至迎見觸解人有累歲月淹旬時覃慮殫力而不能辨者公頃刻爲之曾不措意而人卒不能易也。所長過人如此士雖有賢者

宜無以佐下風。裨末議。而其爲郡治功興起。民以詠思。吟誦歌舞。溢流翔行。亦何所待於能爲言語文章也。方且擇士之才者。教之以學。公亦因以有取焉。當其講於理之微眇。而發揮乎神情性術之乎。訴暢彼已。混合靡形。骸之爲蔽。而何有於勢之在已。故使士亦忘其身之卑。而得盡其意。以悉其所聞於往反滋益之間。蓋公所以起之也。予鄙無能。竊獨有志於古人之道。見公與士相得如此。古誼之復。將必由茲。而彼市道之薄。宜爲慚沮悔繡。而何足以道說於其前。不自知其鄙。而欲與共進於斯道上焉。有可

事之大夫。下焉有可友之士。周旋於其間。雖欲藏光
匿聲。伏其身而不見。而有所不能。公亦舍已之所有
餘。而過有以禮之。予誠愧其不可。而固有不得辭也。
蓋古之公卿大夫之相與。雖以各足其在。我者。要爲
公卿大夫之能得士。而非士之能致公卿大夫也。士
之於公。烏得而忘哉。公處顯踐亨功名方盛。獨念母
不置。累疏求歸。天子爲覽而潤焉。不得已而許之。士
皆悵然若有失而不可留也。慎中於是爲本其意而
見於文以爲別。

夏鍾曰此爲諸生送太守之文只將太守與
士相得一段意思說來便自入情非泛作者

送張節推纓泉先生序

騏驥之力勝重任。引巨輻行千里於一日之頃。若滅沒以之服鹽車之輓。則不踰駑駘之駕。函牛之鼎。實以千鈞和薑桂者數石。而始適其烹熟之能。以用之饗食。曾不如數錢之錙。豪傑魁磊之士。宜於大施而不可以小用。其喻如此。夫其不能於小而可以大者。蓋以名爲奇。豈能無以不兼於小爲憾。可以大矣。而不失乎小。則豈不爲兼而無憾者哉。且士之用於世。豈能遽取其大者而爲之。以稱其才之所宜。而無以其小者屈折齟齬而試之耶。而曰吾能爲其大者。

是○小○者○區○區○吾○不○能○則○大○者○亦○奚○由○至○矣○如○是○其○爲○
有○憾○又○豈○止○於○不○兼○之○病○哉○吾○見○其○以○大○自○累○而○卒○
不○得○施○於○世○也○蓋○士○之○用○於○今○之○世○尤○不○可○以○遽○得○
乎○其○大○其○始○而○有○事○於○政○常○使○之○服○習○乎○勞○苦○細○瑣○
之○間○而○循○守○乎○法○格○體○勢○之○內○夫○謹○循○守○勤○服○習○以○
能○無○失○是○區○區○者○可○謂○小○矣○故○士○之○好○爲○大○者○往○往○
失○焉○而○猥○齷○櫟○遯○之○材○常○見○謂○無○敗○而○多○以○得○志○吾○
嘗○以○是○有○憾○於○當○世○之○士○蓋○晚○而○得○張○纓○泉○君○語○君○
之○才○於○今○信○所○爲○豪○傑○魁○磊○者○也○其○始○仕○爲○興○化○府○
推○官○觀○君○所○以○治○其○職○其○精○於○鞫○讞○慎○於○稽○比○不○敢○

忽乎輕重之倫。若手權而游移乎一衡之上。不爽錙銖。以謬低昂也。嚴取與於爾我之交。窒邪竇。墮私罅。以自約飭。雖有吹毛之智。而不得舉其疵。服習之勤。循守之謹。又莫能有踰於君者。而君實非小才之用也。兼而無憾。非在乎君。其將孰在今方去興化。而以其績入告于朝。益將得其大者而爲之矣。其爲洪鼎而實禁。臠薦。禋享。克大烹。升聞馨香。而流溢膏飫。必張君也。其爲騏驥而行康達。駑馬萬輩。仰視喘汗。而不得前。亦必張君也。

夏鍾曰。世人所謂大小。皆就情量所及言之耳。可
以大而亦不失乎小。乃爲通才。文調高而氣完。

送尊師易愧虛之任夏津序

古之爲師弟子者。其爲學易明。而爲名易成也。其固
有不苟然者乎。其業門也。專其守論也。篤轉相誦述。
不敢改其師說。及乎臨位從政。惟師之知崇。臨位而
不可受。曰。吾師之未達也。吾何庸先焉。從政而不敢
廢。曰。吾師之所教也。吾何宜變焉。是故其師之傳益
以焯烈。推衍而著於人。因以貴其身。此其學之明。而
名之成也。豈不易哉。漢施讐之於易也。可謂深矣。不
有張禹魯伯之徒。爲之推明。位必不至於博士。業必
不得立於學官。丁恭治春秋。雖寢已進用。然得承官

樊鯨以爲弟子而其位始尊。至於鍾興之受爵曰吾
師丁恭也。而恭卒以侯桓榮崎嶇草澤之間。名不聞
於州里。身不齒於庠序。何湯一言卒爲天子師。是三
儒者窮經懷道。卓爲世表。皆以其徒顯。身榮當朝。名
列載籍。可謂盛矣。蓋昔者孔子之欲仕也。旣以子夏
先之。又以冉有申之。聖人之盛也。其急於得位也。則
有所用於其徒。况其下者乎。然則漢之諸儒所以事
師。亦不謬於仲尼之教哉。嗚呼。如吾師易愧虛先生
者。豈有讓於古之爲師者乎。先生學必本諸躬行。教
必考之前經。孔孟之誦不絕於口。宓姬之文日惟於

心畫坐宵興不知日之出入星之殷正也微之乎圖書之粵著之乎筮占之法願之乎物宜之法深之乎性命之情老儒皓首而未通後生拱手而不議莫不尋繹敷暢辭瑩義精虛而來者實而歸蓋虛齋蔡氏之易盡在是矣以先生所就當漢之盛高可以取師傳侯相次亦不失補卽吏立博士今乃沉晦棲遲所遭如此嗟乎先生之學旣以不愧於長卿子然矣而其徒廼無有能爲禹伯宮僚之事者則是門人之罪也其頑鈍鄙樸學不足以取容於世心有餘而力不逮徒知守其章句不背師門覩先生之在下位碌碌

無以自效於先生之行。愧發於面。莫知所言。復忍耻而述此者。將以貽於同門之士。庶有聞予言而奮者。他日或侍經帝前。從容爲上言曰。臣師誰也。先生必得大行其所學。亦如桓春卿之歎曰。何仲弓之力也。小子亦可以釋愧也。夫小子亦可以釋愧也。夫。

夏鍾曰。漢人尊經重師。弟子率荐師以明受業之自。今人但聞荐友。未聞荐師。噫。何視師不若友也。

送中丞黃石岡公還朝序

昔周道衰而宣王中起。雄南征北伐之威。其興衰撥亂之蹟。見於詩之所詠者。於北則有六月。於南則有采芑。江漢之詩曰。四方旣平。王國庶定。時靡有爭。王。

心載寧夫一隅之地憑居之族深谷長流之所限其
服其叛何足以動王國而勤王心之勞而詩之言如
此尹吉甫固以江漢之平爲宣王之美張大而歸之
仲尼刪詩使與常武相次列於宣王之雅之末以明
中興之功至是而成也豈非江漢之間地大人衆形
阻而俗雜介錯於京周之阮而近不一於夏而非純
於□未能以爲內而不可以爲外先王固欲梁圉其
山川井邑其人民以固威嚴之勢而立長久之安非
若玁狁之匪茹勿用窮追氏羗之荒忽惟其來享而
已也而召公之所以經營江漢之滸者不以其叛而

疾之。不以其鄙而忽之。并其田畝。正其疆畔。以定其
生業。而平其貢賦。使之弭去爭心。而取正於中國。豈
其徃於戰伐之謀。恃夫暴猛之用。而以兵革取威哉。
故其告成之詩曰。矢其文德。洽此四國。言虎之能不
以武力服人。而宣王仁義之化。陳於江漢。則四方無
有不和者矣。今天子方隆周宣之德。建中興之業。順
乎內而威乎外。當宁懷思。睠焉於四方之未寧。而尤
有意江漢之間。蓋樊鄧房隨褒沔相錯之墟。其民尤
爲難畜而易動。嘗煩朝廷之議。而開設方略。遣大臣
以臨制之。開府於鄖。而以撫治爲名者。將百年於此。

矣○然其化未洽而民未和而中丞黃石岡公實受簡命來制茲土是宣王所以屬穆公之意也公出嚴於寬用武以文馴之以德義漸之以禮教雖不廢於征誅之律刑殺之科而其意常不在於此故其易動之氣銷靡而帖柔難畜之心斂置而悅安布宣天子明明之德徧於南土以爲四方之極持之以匪安匪舒之心而行之以不疚不棘之政告成于上而寧當寧未寧之心天子以爲其化旣洽其民旣和則不宜久勞於外而遠於左右公自是去南土而還矣南土樂公經營之政憮然於其將去又知公之居中制柄所

以施於用而行其志者。宜益廣大昌明。而南人之永
永有被也。相與釋其憮然而願之。亦欲如召公之於
王。同其萬年之休。而垂不已之令聞也。使有欲考今
中興之盛者。必在於斯矣。江漢之詩。多美召公之績。
宣王之美。於是乎在。臣之能有成功於君明也。夫受
君之命。克終其事。以有功。又以其功載君之美。於無
窮。而有考於後。是人臣之大義也。故某屬同僚陸君
輩之請。欲以有贈公之歸。不以寵厚崇巍爲祝。獨以
是爲公願焉。

夏鍾曰。議論壯濶。音調
噌嶮。固是燕許手筆。

送大中丞汪洲潭先生致政序

士○君○子○通○塞○之○分○當○何○所○節○量○以○爲○齊○也○齊○於○才○與○
德○而○已○位○也○者○所○設○以○待○代○天○之○工○之○人○也○語○德○之○
數○有○三○六○之○多○寡○稱○才○之○日○俊○傑○別○焉○大○賢○期○於○尊○
位○小○賢○期○於○卑○官○此○其○齊○也○仕○於○有○虞○之○世○者○使○稷○
契○臯○夔○之○德○而○不○至○於○相○猶○謂○之○塞○而○受○斯○之○儔○已○
不○失○爲○通○在○於○孔○庭○仲○尼○以○爲○司○寇○攝○相○爲○塞○而○冉○
季○游○夏○以○得○邑○爲○通○通○塞○之○齊○辨○於○是○矣○蓋○世○當○隆○
平○則○士○君○子○之○通○塞○適○其○齊○故○宣○嚴○濟○濟○之○僚○熙○其○
所○以○浚○明○亮○采○之○績○於○家○邦○而○庭○無○具○位○野○無○伏○賢○

治衰世降大小之論不明。尊卑之授失敘。而通塞俱其常分。於是時命之權。敵於才德。反偏勝焉。而邪正之用。舍善惡之消長。又不在是也。是可慨已。才德之節量。則各有齊矣。以才視德。其尊卑之大齊矣。蓋賢與能之辨也。予所知今士君子。之以賢能著於世。而得顯仕者。良不少矣。皆謂莫如汪洲潭公之賢。由其德勝也。持養其器度。以膺劇簡暇遽之物感。若淵靜水止。不可得測。挹而澄撓也。臨辭受取。予之域。吟畔明而防範嚴。不以錙銖苟焉。自爽而溷其介也。喜愠無所動於中。而聲色不少見於外。玉質瑩然。絕去瑕

累而瑯琊磨礪之功至矣。其所閱歷之跡爲曹郎爲
郡守爲藩臬監司之長貳所至可紀。去而有述才用
章徹而不以能見名勝以德也。然公以光祿卿拜中
丞。開府章貢兩水之間。綏馭江廣閩楚四遐之履威
望方暢。事功日起而報罷之命下矣。中丞非卑官也。
吾獨謂之未究於通。以公之所宜得者爲之齊也。公
年未五十。潛心精慮。好學不怠。本原有保任之微聞。
見具雜撰之博操。修爲艱而講習至。願歸居里第。孜
孜朝夕。必以未致於學爲窮。而未暇恤位之通塞也。
夫君子志於修己。則雖不得位而退。向道之勤。惟恐

窮於學而患日之不足其所自爲然也有用人之責者使君子窮於所宜得之位而以得盡力於學爲通豈不負譴於當世哉公歸矣其爲稍休暫逸而卒將大用之耶其爲投間置散而使之終老於家也自有任其責者公何與焉

夏鍾曰稷契不相謂塞爻折不失爲通仲尼攝相爲塞游夏得邑爲通妙論得未曾有

贈雍里顧先生視學河南序

古者天子諸侯自國以至州里莫不有學自司徒以至比黨之正族鄩之長莫不爲師博置而嚴選事尊而任恒其立之爲師而以道得民者皆其父兄長老

所與同溝遂川涂之人也。耳目便於相接之親。志意發於時親之素。其術則別之以詩書禮樂。其志其行。則一之以智仁聖義中和。孝友睦婣任恤。習於口而攻於躬。皆先王之法言德行。淫詖之言。奇褒之行。無由出於其間。凡可以爲天下國家之具。必在於學。士之由學而出者。皆可以爲天下國家。非必上智大賢。苟不至於下愚不肖。於道皆可能而知也。雖設爲不率之刑。有嘉石之坐。以起愧。遠方之屏。以見辱。然蹈之者鮮矣。由今之道。則里鄰之長。以至都邑之吏。有得民之任者。其職不主於教。而詩書之業。獨領在學。

官。昇之甚易。遇之甚卑。天子所遣視學之臣。持憲而臨督之者。分道而處。屬城滿百。則古者公侯伯子列爵而守之國者數十也。學者之多。則司徒國子秀選之士。不逮其什一也。色貌不詳於目。聲音不接於耳。其所爲教。不得不倚於期命章條。而去古已遠。無復有先生之教法。禮制自拜揖坐興。絃歌誦舞。盡出於簡陋之習。歲試月校。不越乎方尺之簡。十百千言之篇。道德典常之大。修身以爲天下國家者。棄而不治。邪說詖行。淫於耳而詭於目。無畏於見距。而方盛於有述。其爲苟且繆悠如此。而望士之志道。豈不難哉。

悼世君子往往議於更制定法

終不可更○所謂教與學者又未嘗

制之不可復而教與學之未嘗廢則

相循於無窮○嗚呼先生之道行於教法

出於人心非能作其所本無○揉其所弗順

其所由生而致咎於不可必復○抱空志而忘實功是

使豪傑之士無由興於文王不作之世也○今之君子

有化民之志者可以反其本矣○吾友雍里顧君中介

而外溫行峻而氣和○志於拔俗追古見可而後言○擇

地而措足○與之居久不渝乎其始而外無有飾於其

文淵閣
藏書
三

內子雖欲求其間以致忠告。効他石之攻。卒莫能得。其疵也。奮乎百世之下。而興於文王之教。若顧君非所謂豪傑之士歟。其往視於河南也。汝劉鄢謝則文王所化。汝墳江漢之城也。河朔黎水。灋澗之間。則周公所營。以定殷之遺孽。庶頑也。方當盛時。德之所刑。足以變淫女。頑夫。故閭巷之游女。有不可求之思。適播之衆。式化於訓。以有可彰之善。及其衰也。則散於鄉。而羣庠序。目爲秀選之士者。反不能有成。豈其性然耶。嶽神河靈。厥產維良。必有豪傑之士。克成顧君之美。而興者。顧君旣以所履之素。暴於人之覩聞。起

言前之信乃始爲之闡明正學開其不虞之知使各得其本蓋有者未嘗可亾順者不假於疆則先生之道其行且明也必由中士始予於顧君之行卜之矣夫樂見斯道之興而致願於吾黨者是予之心也其身之不能而以口勗人是予之罪也夫

夏鍾曰先生集中有類司馬文正張文潛諸公者此篇是也

方伯楊方城先生考績序

古之君子出而有爲於世者雖其負兼人之材擅出世之寵必宜之以天下之功然後可以大行於時不疑於衆其作而任大臣之事也論有發天下之至難

而辯博健敏之士不能傲之以所不知○事有變天下
之至安而耆老遲重之臣不能侮之以其未試○非材
寵之盛○輝赫耳○日功之所積○誠白於羣志而當其心
也○功之所積○非一日一職之爲也○盤桓之久○踐更之
多○勞有不可勝○而精有所不能習○而挾材者忽於俗
務○有不屑之心○居寵者憚於苛文○有不安之志○故功
不得成○而衆無所見○蓋亦有作而任大臣之事者矣○
議出於廷○而訟聚於表著之位○政加乎民○而毀盈於
道路之言○豈非傲之以其不更之知○侮之以其未嘗
之爲乎○今山東方伯楊君子○所謂負材擅寵而宜之

以天下之功者其人哉。始君釋布衣離

筆於天子之前。天人之學。儒墨之辯。王伯

旁擊。治若江河。今皇帝親爲覽嘉。賜第第一。

屈四方之士。舊學失色。同進關口。屈伏歛避。以

天下莫不聞其名。優游親近。侍金門而上玉堂。材寵

之盛。無與爲伍。及乎懷印去國。周游諸路。投煩畀冗。

無有不屑不安之意。介於其中。出不窮之道。以應物。

教典於陳宋。鄭衛之墟。而政達於三晉之境。其最鉅

且久者。則在山東。以地計其廣狹。則吏之專城而處

在所裁督。而臨長者。以數十百。以人計其多寡。則戶

之食土而育在所收拊而蕃養者以數千萬莫不稟
政受事畏義涵仁於陰開陽闔之下而委曲纖悉幽
詰細綜極其勞有細人之所不勝而居之以不倦致
其精有小史之所難習而察之以無遺宜人之功較
然暴著作而任大臣之事固有日矣異時聞有發論
行政於朝人莫不得其心而無間於口者非楊君也
耶昔董仲舒賈誼有其材矣然不獲其寵公孫季有
寵且有材而不有其功故南越設難策屈於買臣弓
弩創禁議駁於吾且鹽鐵興事言黜於桑孔所謂智
受不更之傲而爲蒙未試之侮者也宣帝之於望之

方其談經獻議之日已識爲東海蕭生以其問學議
論持重有餘屬以爲相然且馮翊之行再於平原所
以嘗於事而見功也明主所以用人旣微之又章之
其道如此而交楊君者乃以居外之久爲不遇於世
豈非惑歟望之在平原自疏求入其爲馮翊也意不
自得復以疾引至勤非有所聞之論而後達是臣主
猶未相得也楊君受上之知以其身爲天子使無左
右而不宜不爲幾微自失之意作於中而見於外臣
主之間兩喻不惑何其盛也君其俟哉上方圖君之
功矣

夏鍾曰議論布置寬然有餘
地先生集中大展才技之文

贈憲使陳中川先生之任汴藩序

余讀虞書至於九德咸事俊乂在官百僚師師而益
想慕其肅讓和穆之美竊見古人仕不怠學而師法
於在官也夫六德之多固三德者之所少三德之有
或六德者之所無彼以其多寡有無相師而日益焉
則古之君子蓋未有不全於德者矣然猶於服采在
僚之日得之其職事之交勉踐行之相觀精神之感
而心術之示急乎治已而幸於近人樂得於所事而
憂其所不至莫不怠其身之所有審乎位之可居和

穆播而爭戾不生。肅讓之興而妒媚之去。亦其固然也。今之士者。多儀密節。趨走揖拜之度。之所驅束。苛文峻體。簿牒程課之責。之所侵加。其繁難習。而其變難遵也。則夫職事之所勸率。踐行之所切摩。固已淺矣。而利害得喪。愛憎毀譽。足以陷溺易誘之心。攻奪未定之見者。又不勝其至前。傾危之俗。成嫉妬之機。長所謂精神心術之相感示者。不復可見。故入官之途。爲喪已之階。名位逾極。而形軀志慮。棄壞方盡。嗟乎。今之所以進人而用之於邦家。以責其亮采浚明之効者。固非夙有日宣祇敬之實者也。所以損之使

不得成。又若此。宜乎成材之難。而有志之士。深病而欲。迺之也。余少未有聞。而早從宦。方圖進其所學。又恐恐然有今之憂。其來赴齊臬也。幸而得從諸君之後。諸君皆今之賢者。而陳君獨爲之長。其賢尤爲諸君之所事。陳君之德。余不能列而稱之。其積之也厚。其發之也時。和平中正。視虞書所陳之目。其不備者亦鮮矣。余朝夕事之。扣其所積。察其所發。求所謂和平中正者。擾其偏駁。拂戾之氣。矯其背馳沮迕之行。德之多寡。雖不敢庶幾。亦將自是寡過。以免於戾。益不越夫儀節文體之間。而所以勸率切摩者。不爲無。

助○至○於○精○神○心○術○不○暴○而○可○喻○無○間○而○易○知○足○使○傾○
危○嫉○妬○之○夫○聞○之○而○愧○雖○以○余○之○愚○君○亦○辱○有○取○焉○
顧○相○從○之○日○淺○遽○去○而○不○可○留○也○不○能○不○致○恨○於○奪○
余○所○師○而○介○然○于○懷○諸○君○之○事○陳○君○皆○爲○已○久○其○情○
益○篤○其○趣○亦○不○異○於○余○也○於○陳○君○之○行○咸○謀○所○以○贈○
之○以○泄○其○不○忘○之○思○余○於○諸○君○齒○最○後○宜○任○執○筆○之○
勞○也○故○述○其○趣○之○所○存○以○明○諸○君○之○意○其○所○眷○眷○不○
能○釋○然○於○茲○別○者○非○睨○繫○之○私○因○以○告○夫○豫○州○諸○君○
子○使○知○所○事○且○勉○夫○有○志○之○士○欲○求○學○於○仕○者○知○今○
之○爲○僚○者○猶○有○可○相○師○以○有○成○如○余○之○所○遭○無○所○用○

於病而逃之也

夏鍾曰古人所重者德故仕不忘學百僚互相師法三德六德日宣日嚴以至於盛後人所重者位與利故仕不知學相矜以位相攘以利而所爲德者無毫髦之有矣然則仕焉可不學哉

贈別王在菴先生拜官去齊序

學之不明而道之不行也非夫蔽焉而不講置焉而不爲者之爲患而講之而不篤爲之而不力者之爲患嗚呼彼於聖人之道既曰講之爲之矣夫亦不篤而不力焉耳而卒之以患道者何哉負之以模之名而莫掩夫不繼之實則叛者之所從生誘人以其異趨之景而自見乎不能至之形則怠者之所以益固

士之矜車薪之火之功而富於萑稗之用者反足以
自安而不遷率天下之人樂他技之攻甘背大道者
非由此也夫今之爲士者少而誦聖人之言資之以
文其身而得志於時効當世之務從有司之政復治
聖人之言○不○舍○焉○蓋○鮮○矣○而○講○之○爲○之○者○又○以○不○篤
不○力○爲○道○患○聖○人○之○學○其○終○不○明○於○今○乎○非○卓○然○有
志○確○信○不○惑○者○何○望○焉○吾○友○王○君○在○叔○生○於○絕○學○之
後○流○俗○之○中○慨○然○以○聖○人○之○道○爲○已○責○行○足○以○信○其
言○故○講○之○也○篤○誠○足○以○致○其○勇○故○爲○之○也○力○章○章○乎
有○可○繼○之○實○必○至○莫○禦○之○勢○不○爲○崇○峻○乖○異○立○已○之

名而示人以景是非卓然有志確信不惑者歟。破叛者之口作怠者之心相與舍他岐而遵大道豈不在吾在叔予以是知正學之可興而賀吾黨之將盛也。聖人之學曰不易乎世不成乎名世之不易非惡而逃之也在我者有不可變焉耳名之不成非辭而避之也在人者無得而稱焉耳七十子之徒若由賜求赤游夏諸賢各以果藝敏達禮樂文學成名斐然日章而仲尼獨許如愚之回曰未見其止如以其可稱也則是諸子之進而顏子之退也嗚呼孰知夫諸子之所謂進乃顏子之所謂退也哉耳不可塞目不可

折口不可閉手足不可格接而繫維也四者之非禮而皆曰勿之視聽言動焉天下之物固有不能于吾之聰明而亂吾之聲氣者矣道之可以跡述而言効者乃形氣之末而非精微之用也而欲一二守焉恃以無變於世鮮不爲所拔矣道之在天下非一二人而有之也在叔其烏得獨講而獨爲之乎然則予亦安能妄言之而諸君亦安肯妄聽之乎故書以贈王君因以自勉且質同官諸君以爲何如也

夏鍾曰當時講學者多皆不務實得于已而獨于言語名色中求之夫言語名色之不可以求道猶科條文具之不可以語治也先生之贈別王先生也意在斯乎

贈郡伯金鑑濱公入覲序

人臣之功。嫌於自列。故有曲詞以隱賢。貶已以晦美。其義所以居謙處吳。而爲長者盛德之事也。義有不。出於此者。敷陳所以明職。論述所以闡猷。則質言直。已而不得謂之伐。此古誼也。唐虞之書。所載君臣問。對之詞。蓋可觀矣。命之以位。則遜。勉之以職。與事。則。或詳敘其勞勤。或不揚其風休。而未嘗有自列之嫌。故禹敘治水之勤。而夔揚作樂之休。使悉其勤者。知。其爲之之難。歆其休者。繹其致之之自。所以存誠儆。示奮作。安焉而不忘。享之而不怠。雖謂之質言直已。

以明所職其於熙亮天公翊襄至治之道廣遠而精
微矣彼所謂大臣也交修默化於一堂之上獨幹陶
鈞坐論道本其功不在於職與事而義猶出於此况
於處下僚守遠地獨以職事自靖爲獻者哉國家裂
土爲郡縣置之守宰而寄以元元之政責成託重視
他所置吏其意獨隆故守宰之職與他所司不侔制
爲朝覲之禮以親之使三歲而一來同將以考其在
職之任與不任以爲幽明之實而加黜陟焉嘉靖三
十二年適當其期而惠州郡侯金鑑濱公當行郡守
之職兼有禮樂刑獄水土稼穡虞衡之政侯之學旣

素明而才又能兼惠州之政。無不備舉。實能推明天子安民之惠。致於海隅。其功之協於職。厥有可言者矣。今入覲之制。考論職守。以揆敘幽明之意。雖近於古。其親諸侯會羣后之體。則實不類。其以職來同者。皆聚於考功。執簿書課。鵲集而旅謁。雁序而前行。功過決於泯默。不可測之中。對揚敷述之美。藐乎未之有聞。今天子蒞阼之久。化成而不倦。方且闢門四達。覽察遐遠。竭索天下之情。以作臣庶之勲庸。來同之僚。不患無難乘之會。而惟患無可述之績。金侯茲行。親逢盛會。在郡之功。又厥甚偉。固宜以職自獻。使明

目達聰之所聽聞窮盡海隅幽隱而不蔽於近則存
兢兢之念而起勉勉之思道久化成益綱紀而靡怠
荒未必不在乎此其義主於獨明所職遵遠地小臣
自獻之誠而其道與古之大臣熙亮翊贊者合然後
退受考功之牒還赴治所以終安民之惠豈不偉哉
晦美隱賢託於善謙能弔欲以庶幾長者之風非吾
所期於金侯也海豐尹王君一貫族子也以職事
侯奉令承教得以寡過嘗謂於侯有臨長之分而又
有師保之益數千里寓書委子序贈子旣久在下風
竊有所慕重爲族子私德故爲此文寓王君使持以

爲侯贈

夏鍾曰敷奏以言明試以功古人亦自言其功也漢龔少卿入覲王生教以不自言功其去古遠矣

送朱肅菴明府大人入覲序

古○今○之○變○而○禮○爲○之○不○同○亦○各○從○其○宜○與○先○生○將○親○
天○下○之○建○國○而○賓○之○以○朝○覲○會○同○之○禮○使○謹○其○時○効○
其○物○以○修○上○下○之○交○而○五○服○之○地○三○等○之○爵○各○以○其○
職○如○王○所○而○玉○帛○車○馬○良○器○好○賄○選○國○之○所○有○以○貳○
纁○藉○備○庭○實○非○獨○致○其○嘉○美○腴○重○於○上○人○而○已○退○而○
與○王○朝○之○公○卿○大○夫○士○以○享○覲○之○禮○相○接○則○束○錦○總○
乘○介○儼○之○所○振○有○司○之○所○左○右○牽○以○告○其○私○而○充○其○

發氣盈容之所薦雖不至於傷德沒禮其於貨幣固已盛矣。揆此義以施之。今其可行乎哉。國家之職業事。守勵天下之有司。照臨之以德。而昭示百官。以輕財之指。尤嚴於先王之所以賓其臣者。每三歲藩臬郡邑。小大之吏。以職入覲。一出於綜核功敘。辨論官材。以明爲民置吏之意。而土物之獻。不于其間。其義固已少異於古。之所以親諸侯者。則享覲之私自非其時之所宜之禮。而豈有司之所得行哉。仕者徃徃有溺於俗。而不知自審。顧欲行其所不得行者。上之人常患其然。至重爲法以禁禦之。蓋古者以百里千

里之國而所以待朝聘之齋用皆有所具可以藉於
天子而以私爲覲故貌足以稱其物而不爲忤而能
愉乎於其色○蹌乎於其容而爲君子之交際而其禮
又上之所設以待其有事也故可得而行也○今之有
司所以具其物者當何取哉○則有蔽毀所職之守以
具此物而已○其陳之而色慙○奉將之而容沮屈○豈其
少也○又上之所禦也○而仕者欲行之何哉○是歲吾邑
大夫朱肅菴君當入覲○不持一物以行○而獨以職業
事守之○可告於上者○撰次其實○以待考論○君清修謹
重○潔已以立本○而忠信明決○施於求民之惡○欲爲之

違去聚而與之無不用其情吾知其功敘熙亮官才
備修足以自克而無忤若圭璋之可以告明信也君
猶以不能行今之所行者爲歉曰非敢有惑志於斯
然不知者其毋以吾爲好異而尚簡也予因爲述古
之誼與今之制序焉以送之以決君之志曉夫溺於
俗者使知朱君之所守亦猶行古之道非誠有意於
求異而務爲簡者也於是未君遂垂橐而行

夏鍾曰上交下交古有其實亦有其名今有其實
而無其名然則古人朴今人巧古今相越豈不遠哉

送史大梅君應召序

今之仕者所謂政事之勤勩可知已○俛首朱墨之間○

日出坐堂上。左律右牒。羣吏環擁。鴈行以進。盱不得
食。勞不得休。日決獄幾何。歲徵賦幾何。牘有可書之
功。庭有可紀之蹟。顧其塵容俗狀。拘迫齷齪。而中乾
外強。翰墨之游適。不知爲何物。雖時去其四境。而宿
勞餘垢。猶縈帶於輿馬之下。峰巒之奇秀。泉石之怪
幽。過焉而漠無所覩。吁。益俗矣。聞有一二好事之士。
矯其爲彼。而以吟詠之藻。績爲工。登覽之意。况自足。
然情高韻遠。而疎於臨聽。非惟不能免於苛譏峻督。
而滯獄逋賦。亦何以自酬其職也。所謂不俗者。其失
若此。而彼又不免於俗。豈不難哉。以吾所聞松溪尹

史大梅君蓋能異乎今之仕者矣。君以奇才起東南。藻妙擢發出於靈誘。而維揚故東南一名都會也。古文異書家而有之。君皆得繙閱其間。六經之元本。莊老之玄虛。屈宋之悲悼。史漢之雄深。宋齊梁陳之艷靡。泛涉而該獵之。東南一時綴文之士。鼓行竹素之場。倡和推挽。必有君在焉。未登第而文名已盛行於中朝。竟投松溪。人莫不謂非君所處。且恐君之未有以宜之也。君在松溪。百廢具舉。廩有餘粟。園無淹人。以功最獨冠於諸縣。而時出其芳標逸致。於山水佳勝之頃。一觴一詠。絕去俗吏之懸。其才之兼美如此。

頃者璽書下徵。蓋以風憲需之者也。夫文章之士如漢嚴助、枚臯、司馬相如、吾丘壽王、登金門、直玉堂、優游親近、陪後車之乘、出入芬華、可謂榮遇。然羣臣面折廷諍、只稱汲黯。漢武亦憚之。與諸狎昵晏游者、不同君之才。視嚴枚輩、不知何如。然不得預於文詞、親近之列。今以諫爲職、其得爲汲黯時也。君尚以拾遺補過爲忠、務爲朝廷之所憚、而無美於嚴枚輩之寵也哉。

夏鍾曰掩抑有奇態
竟是腐史筆意

寄贈徐澗濱先生序

甌寧尹澗濱徐君奉其親以如官邸出則治民入則
事親學道之效達於四境而誠身之實著於一宮之
內其著於內者所以速其民之信而達於四境者有
以得其親之懽君子之仕而有以自樂莫徐君若也
君顧以爲大奪於政不得專一親之左右以竭其養
戚戚然若有所負而不得釋其欲致是官以去也汲
汲焉若有所負而未獲士之出君門下者疑乎君之
用心而莫知所以爲君解也予爲之言曰學者誦法
往昔舍孔子何適矣孔子教門人必就其不足與其
所長爲之進退不爲空言門人之問亦必不舍已所

得用力而泛爲問辨。徒滋辭說也。方游夏二子以孝爲問。孔子皆有以告之。後之讀者能言其意。蓋欲救其失而示以要也。二子之有親在。而後爲是問也。可以推見。然子夏去西河爲莒父。越韓鄭曹濮。不遠千里之路以從政。武城在魯。由吳而往。蓋逾江濟河。浹旬閱月而後得至。而子游安爲之宰。意其不得御親以從也。未聞孔子非之。使子華於齊。非不知其有母也。而不憚於使之。携顏淵以遊於陳蔡。而見止於匡。亦知其父之在也。朝夕於親之側。以力養爲孝。孔門之所稱也。孔子所以教人。皆其所自行。蓋亦有母在。

矣而車轍周流幾環於中國門人最以孝名莫如閔
損曾參參也以薄仕而親及祿爲幸其志又可悲矣
惟閔損拒李氏之使不及於仕必其擇於大夫之家
自有義焉而非爲不忍離親以行也然與顏氏子從
其師車轍與於陳蔡之厄豈其得常於親之左右耶
舉此數者而孔門之法在焉游夏諸子之仕與顏閔
之不仕也均未聞以朝夕於親之側爲孝也徐君之
志知法孔子而卓然必爲聖賢之學無疑矣其仕其
不仕自有學焉其學之至不至而孝隆污存其間矣
顧君所以自力者如何而謂以政奪養汲汲焉欲釋

而不得至於戚戚而不能自解則可謂惑也已吾故
爲是言寓君之門下士許大正輩以復於君以解君
之惑志則仕與不仕君自有以擇而處之爾

夏鍾日將孔門弟子眼前事
罕譬一番可謂淡言微中

送明府宋仲石先生赴召序

可以施於其民而後可以行於其君此議道之方而
君子之常守也將有以動之而示之以無可惑將有
以禁之而率之以無可間此其施於民而可者也上
焉以行於其君其亦可矣不可明也姑徇其習而誘
之而使向方不可強也勉因其情而導之而使從事

此亦其施於民而可者也。以是而行於其君其亦可乎。吾不知其可也。有可以施於民而不可以行於其君。此制用之宜。而君子之所當辯也。今之仕者其得施於民而最便者。莫如縣令。其得行於君而最著者。莫如言官。始仕爲縣令而善於其官者。召而試之。而以爲言官。蓋信其施於民者之可。而將責以行於其君也。是歲召推官知縣於天下郡邑。得四十人。閩中獨得吾宋侯一人焉。噫。可謂精矣。侯之爲縣。能不以法勢逼制其民。欲以心諭意寤。使其訢然自勸。其惡色疾聲。不以出已。故尤樂與民傾盡。不爲匿械畜機。

以深備而巧摘。凡有所爲。諄諄曉語。不厭煩復。惟恐其心腹之不暴於民。而民之不共見之也。其苦於自奉。憚以利見。汙常謹於絲粟一介之末。一服食之細。不以苟費一力役之微。不以輕用。探之無不可見之端。而質之無不可告之跡。此所以施於民者也。持是以事君。吾知其有可行矣。蓋聞之君子之欲有爲於上下者。皆先取必於其身。其身之可必。而其所以爲之者。下焉而爲治。則不敢取必於其民。上焉而爲諫。則不敢不取必於其君。何也。民有不可使知。而君不可謂之不能也。然而下焉者。易陵而上焉者。難犯。世

之君子固有力足以拂民之好而快於必遂而守難
於矯君之慾而至於爲徇誠使易地而施之豈不交
適其可哉然彼力遂於拂民而守失於矯君者非其
辨之不明而不知其不可也敢於拂民者其動之必
有可惑而禁之必有可間以其可間者禁民而民不
敢非以其可惑者動民而民不敢倍由其無可守之
道而徒有必遂之力也而豈爲可以施於民者哉如
是而行於其君宜其無必伸之守也然則非有其可
者亦烏足以辯其不可信有其可矣則於其不可者
果不宜以無辨也不虐於下者斯無所畏於上不見

三進齋集 卷之三
矜寡孤獨之可侮則亦不見崇高富貴之可懼恂然
嫗煦如恐傷匹夫匹婦之心然後能嬰雷霆震擊之
威而抗萬鈞覆壓之勢吾所謂不可者非得斯人亦
烏能辨之宋侯是也

夏鍾曰民必從其欲君當責以難事有兩端理惟
一致然非此深心巨識不能段段劈開節節關合
可謂筆力
大于身

送程習齋公之任序

武彛越在嶺外衡山當五服之南皆去中州最遠然
祝融歸然稱歎列於四海五望之一而幔亭之秀亦
甲於宇內祀典所秩圖志所記與夫高流偉人之所

賦詠僊釋幽怪之所棲託可謂盛且奇矣至於嶽麓
之有書院雲谷滄洲之有精舍而後二山之靈崇重
炳煥視昔異觀天下之士所爲側望馳向冀一寓目
其間而未能者有賢哲之思而非特山川之慕矣其
得遊焉者亦多慨然興起感悟性靈而磨淬意氣不
特以耳目之適自足爲快也以其勝且遠如此士者
雖願焉而鮮能自致惟仕於其地者爲適其所願而
不患於往從之勞視政不能自致而必欲一至者審
問途之謀營聚糧之費辛苦跋涉而後至良亦樂哉
然彼勞而後至者息焉游焉可以朝夕玩而歲月修

仕者往往限於官守之次○牽乎文法之役○忽來忽往○而不可久且常也○於是顧有咨嗟喟歎○以爲無以愈○於側望馳向者之艱○而情亦有所不樂矣○蓋予嘗與荆川唐君○爲武彞之游○而程侯習齋方守建州○侯以不能相携而往○爲不樂也○夫學者所爲○有願於名山水○欲遊且居○而若不及者○豈爲嶽巖峻壁○飛瀑迴谿之異於闐闐○珍草奇卉○駭鳥壤鱗○滬泉寶石○接乎耳目○與處室出戶之所睹聞者不同耶○動靜協性術之室○而樂壽應修誦之效○反身切已○與夫元氣鴻茫之所融結○成質時流之所形見○通體效法○混同若一○而

其發於事業。暢爲文章。俊偉昭明。挺特流行。且與山
水精靈光華。度高絜深。克對不忤。如是則雖不離官
守。日治文書。視程課勤於民物之務。固超乎其常在
山水之間。觀侯之所自立。與其施於有政。旣已妙合
乎高深。巍然對武藝之靈。而無慝德。何必躡屐登嶺。
鼓枻乘流。極狎玩縱探之適。而後樂哉。以予之陋。雖
日從唐君游。而頑心猶故。亦何以自多於侯。且不能
分一壑於山中。遽以糧盡而返。其愧於侯。又甚矣。侯
轉官湖泉。乃當領璽書。臨制衡桂列郡。而南嶽實在
其境內。侯得郡分泉。皆以名山爲所治之望。寧獨蹤

跡偶值亦其修詣所至。冥契默召有不苟然者。予疾
有間尚思一遊衡岳。於侯之往益用勃然。衡岳千峯
無不勝絕。而天柱回雁芙蓉石廩响嘯數峰猶稱雄
傑。侯倘爲我度方丈之地。與响嘯最高頂待予刈茅
結屋而老焉。予誠陋尚能濯滌舊日宿負。積愆補黥
息。剿以承道之下風。不至如前之爲侯愧也哉。侯
之行方欲述所懷爲別。而董蓉山君與吳君沈君以
言見屬。遂因以致予之所願云爾。

夏鍾曰山水之樂仕者既限于官守而不能常遊
者又苦于費而不能久有志之士所爲撫然興懷
願刈茅結屋而老于其間也。三復
斯篇奚啻置身武嶽衡岳之巔

尹艮齋公獎異序

凡有可言者必待乎能言而能言者尤必得夫可言者而爲之言然後其言信苟欲信其言則得夫可言者豈不急於待乎能言者哉余少不知道而喜爲文辭竊好言之名於世世之有待乎能言之事徃徃見於余言而吾郡邑之大夫功烈操行卓偉明著可言者宜不少獨少見於余言余之有事于四方也賢大夫之在郡者或不及知其知之或已舍此而去不知而強爲之言則誣已去而追爲之言則矯余之不得有言於諸賢大夫者豈不亦有所可恨哉而心欲爲

之言○恐以終不得言爲恨者○尤莫如今艮齋尹公○夫
所謂能言者○非徒善其文辭而已○是非好惡信乎古
而合乎道○不徇時爲取舍也○余嘗持此以講○當世之
人○其好古而守道者○莫尹公若也○古之道○勞乎民而
不謀於利○慎於職而不愛其力○故其敏於從事○憊筋
苦骨○啓處之不皇○而不敢有怨○其約於奉身○惡衣菲
食○妻子無以自贍○而不敢自悔○若尹公者○其豈有愧
於此道乎○公澹泊自守○無境內之交○邸閣肅然閉關
固鐃○餽問不至其門○常饜藜羹○糲飯○衣不文綉○在郡
久之○移孥還家○嘗退食獨處○蕭條環堵○如僧舍郵亭

一物無有終日不聞人聲早起晏罷急上之令而振民之功雖祁寒甚暑矻矻不廢據案而輟食對牒而假寐其勤至矣而不思自休蓋嘗歎北門北山之賢者貴爲大夫而居處之艱至於室人交謫而不知所濟經營之勞至於盡瘁執掌而靡事不爲以公視之蓋何如也然彼兩賢者咨嗟怨憤咎乎人而責乎天雖其從事之敏奉身之約而不見其心之所安公誠發於中持之不變未嘗有幾微怠悔之意其去北山北門之大夫遠矣此余所以好公而欲爲之言也而惠安令何君謁余曰公以賢受知於部使者檄公之

賢以寵公於郡有司之間曰此廉勤之吏也夫廉者是余所謂勞乎民而不謀其利者也勤者是余所謂慎於職而不愛其力者也余之取舍知信乎古而已使公之賢不聞於上余方據古而信之其聞於上者又章章如是公之効見於事者久而賢著於聞者彰將去此而踐休顯也余既息乎四方之事知公於在郡而及其未去雖無何君之請猶將勉爲之言况其請之勤哉是以備而序之苟有未知公者觀於余言則可信矣

夏鍾曰歷落頓挫
令人玩賞怡神

贈趙千戶序

○開○口○不○字○令○人○解○頤○

異時武人之容冠。豸冠。佩魚服。短後之衣。撫劍而語。雖飲酒。呶號。視直而不能側。聲高而不能下。手足之力。有餘健而不可制。則蹴踘。蹶張。投石。超距。以泄其情。急而宣其氣。早躬。俛首。覲顏笑而柔。聲音飄紳。襜袂與人爲俯仰。非其事也。永寧衛右所千戶趙君伯齡。世武人。宜有其容。以吾所見。皆反之何也。○頻○呼○武○異時武人。○人○之○容○妙○絕○其容如彼。其所爲亦且暴戾恣睢。忿忮所至。輒批搏人。以自快。嗜財悅色。則攫取挾狎。而無所憚。時平久而文法行。往往見爲背惡上之人。輒操文法以困

苦戮辱之。於是武人之容。爲世大詬。不思其爲。則非。而其容。則是彼其懲之之過。而斬以自免。輒改其容。以趨媚於世。而求容乎上。雖其進退蹈舞。不驚人之耳目。而矯強果奮之氣。無復異時之効。不亦可患也。與。且其容非矣。而其所爲。亦卒不能大變於其舊。是兩失之也。伯齡細謹自飭。以恩意拊士卒。如恐有傷。尤廉於財。貧而不侵乎下。其所爲是矣。予獨怪其容之反也。豈非思自表見。以趨世。而冀上之用乎。然竟落落。在羣伍中。無以自異。事任不及。而材勇無所試。飲酒不得醉。醉亦不敢狂語。徒飄紳襜袂。與人爲俯。

仰○以○銷○沮○其○氣○良○可○悲○也○文○法○之○盛○背○惡○者○不○得○肆○
而○歛○飭○者○亦○無○以○自○異○將○使○武○人○何○所○視○哉○吾○甚○患○
之○故○有○以○贈○趙○君○

夏鍾曰其容則是其爲則非改其容而不改其
爲則更非矣無一語不令人絕倒妙絕快絕

送贊畫陳百戶序

善○騎○者○不○忘○馳○善○射○者○不○忘○殼○彼○其○體○習○於○銜○轡○瑛○
彌○之○具○而○心○悅○乎○罄○控○縱○送○之○能○使○其○約○束○委○頓○於○
衢○巷○里○門○曲○韞○而○跼○蹐○不○出○一○室○目○窮○於○前○堵○而○足○
極○乎○四○隅○越○月○踰○時○而○不○得○一○逞○則○偶○然○而○不○樂○故○
見○平○岡○峻○坂○則○思○介○馬○而○驟○見○廣○塲○易○圍○則○思○決○拾○

而起有其技者固喜利其用也。勇敢武毅之士矜鬪
樂戰。按劍而語喜難而幸危。聽鼓輦而意奮。換介冑
而色厲。居閒無事。常有死封疆之心。今將使之酣秦
於甕盎盆缶之間。據妻抱子以老。而溘然盡一息於
床簀之上。宜其有所不樂也。泉州衛百戶陳君經綸
毅然有勇武人也。百戶固小校。而泉州又內地。君雖
矜鬪樂戰。而無所用其勇。一日以事至都下。自言於
兵部。乞隸兩廣軍門。爲贊畫官。軍門所轄五管巘峒
牙踞蠻徭雜種之所。蕃育人質而獸知。挺挺呼嘯所
在。而有無日不用兵。君之好勇而得隸於此。此亦騎

者之平岡峻坂射者之廣場易圃也有閑習之技而
得便利之地心動於鼓聲之譟氣盈於介冑之肅何
其壯也然亦可謂樂矣君爲此乞固歟是求計反顧
而慮還踵豈君所以求往之志哉然今司馬中丞張
澤峰公實爲兩廣總制吾聞張公在鎮經文緯武以
仁義行師旣以擇其大憝巨酋之不可化服者蒐薶
而誅斬之其可以化服者皆以人畜之不絕以獸雍
容尊俎而偃戈休甲訖威聲於四遐君誠矜鬪樂戰
而寇發益稀兵不輒出雖時有所用其勇而已不愜
其矜樂之志矣張公於用兵每以律授將佐不得越

教○誠○違○期○約○安○有○所○事○常○節○其○贖○而○養○其○銳○不○以○窮○
武○力○爲○功○用○能○軍○無○躁○敗○賊○無○濫○殺○君○誠○好○勇○其○有○
所○用○之○亦○且○善○勝○而○完○歸○又○安○所○得○歟○矣○君○於○此○毋○
乃○有○不○樂○哉○夫○所○爲○寢○食○不○忘○歟○者○壯○士○之○志○也○將○
歟○之○求○求○歟○而○不○得○則○爲○之○不○樂○毋○乃○過○於○壯○而○苟○
蹈○一○夫○之○勇○歟○予○旣○壯○君○往○得○其○地○而○又○幸○其○所○事○
之○得○人○勇○有○所○用○而○死○之○無○所○也○爲○序○以○送○之○無○使○
其○過○於○壯○而○有○所○不○樂○也○

夏鍾曰始壯其志之求歟旣壯其往之得地未又
幸其所事之得人可以無歟先生婆心熱腸筆筆
出鉤

王遵巖集卷之四

晉江王慎中道思著 後學張汝瑚夏鍾選

序

送朱鎮山先生

○喝○句○立○一○篇○之○意○
樂之係於性者果何物哉。中天下以立四海之上。庶
民由之以定。猶以爲於性不存。所謂天下之英才者。
求之生民千萬之中。宜可以一二數。誠使其勢得盡
合而與之處。猶且寥兮希乎。其未足以群也。而不以
易廣土衆民之欲。何哉。道之融合彼已。不以形骸牯
其同體之真。由君子所以定庶民。育英才者觀之。亦

何有○不同○至其通於君子之志○黽勉至教○循焉而能
明其端○悟焉而有益於得○斯英才之所以爲可樂○而
彼得君子以定者○徒使之由焉而已○如是則雖其心
之樂○猶爲形乎其所欲○而不足以係乎性也○今夫得
四海之民而定之○豈無英才出於其間○而教育之樂○
亦奚必窮居隱約○獨與其徒處者而後有之也○樂也
者○寓乎所性所欲之際○而每難於兼得○故誦詩讀書○
修於猷畎之中○出而阿衡有商○盡覺天生之民○俾之
有知○當其時○由以定焉者之衆○宜不勝乎賢智之在
於教育之下者之多○前乎此爲契○後乎此爲周公○皆

霍運幹不可究極其存神醇固操慮兢業凝精於獨
而合志於冥孜孜然常若畎畝讀誦之專故日以覺
知乎當世之民而皆所以自明君子之於學蓋沒身
而不足非謂修於畎畝而行於君民如後世所稱學
而後入官之云也先生欲引乎古人之所以自任者
則宜終身於學而日見其不足非謂昔日所職者學
則與諸生相勉今日以政爲職又當勞乎民物之務
首尾衡決前後佩離役其身以徇所居之位而忽乎
吾之所以自明則豈其素所聞者耶某窮居無用獨
賴二三子之可與有明者相講於斯悠然有以自樂

於寂寞之鄉。尤願先生之樂。達於所欲。以充乎所性。之全。而大見斯道之行也。先生發閩。將入蜀。妄述其所講者。以爲先生別。

夏鍾曰黃山谷謂周濂溪胸中灑落如光風霽月此善形容有道氣象余讀先生此文忽作是想

送江西憲伯汪西潭之任序

衆人之望與賢者之疑孰得哉其位未至可以有賢者之疑而不可以無衆人之望其位已至可以有衆人之望而不可以有賢者之疑方其備庶僚充外臣有不可易之職與不可踰之法一毫之不取一介之不受而人服其爲潔矣一發言之不輕一舉事之不

霍運幹不可究極。其存神醇固。操慮兢業。凝精於獨
而合志於冥。孜孜然常若畎畝讀誦之專。故日以覺
知乎當世之民。而皆所以自明。君子之於學。蓋沒身
而不足。非謂修於畎畝而行於君民。如後世所稱學
而後入官之云也。先生欲引乎古人之所以自任者。
則宜終身於學。而日見其不足。非謂昔日所職者學。
則與諸生相勉。今日以政爲職。又當勞乎民物之務。
首尾衡決。前後佩離。役其身以徇所居之位。而忽乎
吾之所以自明。則豈其素所聞者耶。某窮居無用。獨
賴二三子之可與有明者。相講於斯。悠然有以自樂。

於寂寞之鄉。尤願先生之樂。達於所欲。以充乎所性。之全。而大見斯道之行也。先生發聞。將入蜀。妄述其所講者。以爲先生別。

夏鍾曰。黃山谷謂周濂溪胸中灑落如光風霽月。此善形容有道氣象。余讀先生此文。忽作是想。

送江西憲伯汪西潭之任序

衆人之望。與賢者之疑。孰得哉。其位未至。可以有賢者之疑。而不可以無衆人之望。其位已至。可以無衆人之望。而不可以有賢者之疑。方其備庶僚。充外臣。有不可易之職。與不可踰之法。一毫之不取。一介之不受。而人服其爲潔矣。一發言之不輕。一舉事之不

苟而人信其爲謹矣。然而賢者疑之。曰：職有所不必守。而可以行道。法有所不必存。而可以濟變。何皎皎而爲潔也。其爲避謗而養名耳矣。何認認而爲謹也。其爲遠罪而寡怨耳矣。及其都巖廊。據具瞻。有所宏濶。以泛應。則取焉而不爲貪。而人訾其跡矣。有所寵罵。以旁行。則權焉而不爲譎。而人駭其形矣。然而賢者知之。曰：苟可以行道。而非有愛於其利。則謗有所不恤。而胡爲是皎皎也。苟可以濟變。而非有便於其私。則罪有所不辭。而胡爲是認認也。二者果孰得哉。無衆人之望。則賢者何所用其疑。賢者疑焉。而後衆

人之望彌重○惟其積衆人之望○而後爲賢者○所不疑○之爲○則其爲之也○固爲賢者之所知○而亦可以無疑○且訾於衆人○今之位已至○而能爲賢者所不疑之爲○其誰歟○其亦道無可行○變不能應○徒爲私與變而已○烏得謂之沆應而旁行也哉○然則非其有皎皎認認之素○亦未可以泛應而旁行也○新安西潭汪公○蓋吾所謂其人矣○不取不受○以爲潔○而人言之矣○不輕不苟○以致謹○而人服之矣○由前之位○積衆之望○吾不敢以疑汪公也○今爲廉吏於江西○其去巖郎亦近耳○職有不必守○法有不必存○吾將有望於公矣○徇衆人之

所望而守前之爲吾所以疑汪公矣其爲潔也果以
追譏其爲謹也果以迹罪耳矣有可行之道當難應
之變不務信已之志圖當世之大功爲賢者之所共
知而好避衆人之所訾駭是爲皎皎然而已認認然
而已豈吾所望於汪公者哉

夏鍾曰有非常之人必有非常之功非常之人豈
以衆人之望賢者之疑存其胸中哉非常之人不
常有非常之功不常建所爲衆人之
望賢者之疑人皆勉焉噫時使然也

送郡伯俞蒲山擢河南憲副序

秩真二千石九筵之堂施黃以表觀熊設於軾隼建
於旗畫野履封圉其民於內者殆方百里聘享賓祭

禮○賑○之○具○皆○備○慶○賞○利○休○刑○誅○譙○馘○以○飾○喜○怒○明○威○
德○無○所○不○得○充○乎○體○而○溢○於○氣○此○非○卑○官○也○非○獨○如○
此○而○已○有○所○善○而○求○之○朝○令○之○而○民○夕○以○從○有○所○不○
善○而○非○之○夕○禁○之○而○民○朝○以○止○政○足○以○適○乎○其○心○而○
功○足○以○協○於○其○效○畜○世○用○而○急○民○憂○之○君○子○使○得○擇○
官○而○任○之○宜○必○此○乎○處○矣○今○之○士○者○不○得○自○擇○官○誠○
使○得○擇○而○處○之○未○有○肯○樂○乎○爲○守○者○也○其○爲○之○者○蓋○
天○子○命○之○也○命○之○而○得○其○賢○政○足○以○適○其○心○功○足○以○
協○其○效○矣○則○有○敘○遷○之○寵○陟○拜○之○階○謂○所○以○揆○其○政○
而○異○其○功○爲○賢○者○勸○也○果○其○賢○也○其○仕○也○以○行○志○也○

其志也。以爲民也。如使政不能適其心。功不能協其效。一旦而去之矣。政足以適其心。功足以協其效。是有以及於民而達其志也。終其身焉。處之可也。今一有賢焉。則汲汲而遷之。以替其政。而易其功。其果足以勸賢者耶。其行之已久。其見之已熟。一有賢焉。而遷之。不亟則失賢之誚。必逮其上矣。非獨然也。一有賢焉。而遷之。不亟則賢者亦且自疑。以爲不得於上矣。夫命之以爲守者。非必人人賢也。幸有一賢焉。而當遷之。亟是不賢者常久於民上也。爲民置官者。固當若此耶。何其久而不思變也。吾郡伯平湖俞蒲山

公拜爲河南按察副使。公賢者也。然其遷之亦不亟矣。公未嘗以此自疑而失賢之誚已流及乎上。蓋至是而誚上者方沮。公當行矣。民之從善者將怠而不力。遠不善者將玩而不革矣。適心之政輟而不圖。協功之效遺以待思。公其勸之新政而輕釋舊邦乎。抑猶有不然也。公其行矣。予故論賢者所以擇仕之本心。而今之勸賢者其制未得以諗于公。惟不忽而存之他日。在天子左右。預於更制圖治之事。其必有以變此矣。

夏鍾曰：賢而遷無以爲民賢而不遷無以勸賢。雖有善更制者不知所變計矣。

贈二尹晴厓張君獎勵序

流品之論。豈足以定任官之法。而盡人才之用哉。雍
容端拱。資談辨以養華貴。其論固足以行矣。綜實課
效。使功能與位分相稱。則登冗錄而抱不遇之嘆者。
豈少哉。積習相沿。久不能變。豈不以是法誠不足以
盡才而得之者固十七八矣。循易守之法。以格少矣。
之才。雖知其不遇。而亦莫之如何。胥吏他途之士。所
以絕望於今世也。名相列卿。良牧賢守。宰如蕭黃張。
趙韓尹之儔。載於前史。不可勝紀。賤如虎圈嗇夫。代
刑獄錢穀之對。甚悉。至使絳侯內慚。自退。丙相見爲。

憂○邊○思○職○越○廷○臣○受○褒○實○以○易○置○近○邊○不○任○守○長○之○
策○非○嘔○箇○小○吏○發○之○慮○不○及○是○何○佐○史○之○才○之○多○也○
漢○事○猶○云○遠○耳○地○閤○品○望○相○高○矜○美○長○誇○至○陳○隋○之○
際○極○矣○孫○伏○伽○張○玄○素○猶○得○顯○於○唐○今○之○循○守○格○法○
者○胡○不○取○前○事○觀○之○縱○未○能○破○折○拘○繳○以○盡○天○下○之○
長○惟○稍○加○甄○敘○於○其○間○所○謂○失○之○十○二○三○者○拔○其○尤○
異○而○用○焉○使○斯○途○之○士○猶○有○蹊○入○康○莊○並○步○疾○驅○之○
望○不○至○錮○爲○小○徑○榛○蕪○茅○塞○如○近○世○格○法○之○甚○於○以○
責○功○興○事○其○補○豈○小○哉○將○樂○丞○張○君○發○身○書○佐○限○以○
品○目○固○流○外○之○名○籍○也○其○辨○敏○肅○給○通○練○世○務○濟○以○

聞見之該習。詞乘之敷潤。則異下佳士也。在邑磨淬。自奮曰。昔人所謂丞。不負予。猶以佳籍居之者。况予居此。又何負哉。可苟然。願冗以負丞乎。孜孜旦夕。條悉職事。所宜舉。不一遺失。雖力去惰屬之習。亦不敢爲亢厲矯異。少踰禮分。值邑令缺。以君攝之。則悉令之職。而舉其事。若已所職。不幸攝而過有所爲。亦不玩攝而偷焉。不爲也。邑人始固疑君未必能其官。及睹其出政之善。持身之謹。懽然悅之。加以嚴畏。其爲士者。莫不爲君傾盡其所業之美。而安意以君爲長也。當路器其才甚。然所爲盡其用者。又徒使之隨計。

入奉將異物之貢於闕庭。得不負算召譴而已。其奔走道路之勞頓。謁侯閭闔之微密。有人所不能堪者。中丞阮公特下檄書。敘能第勤。以示褒勸。而邑之羣士致其邑長張君二溪之意。來徵予文。以爲君榮聞。君從事於今都督陸君湖公左右。尤以才見寵。陸公掌國環列。寔兼心膂股肱之寄。義得薦揚幽側。顧使君爲丞。豈抑畏引避之過耶。君今將上計入京師。陸公必不使之還爲丞矣。君其將如孫伏伽。張玄素之所遭乎。未可知也。然玄素以太宗廷詰其爲刑部令史時事。至啣愧不自勝。而伏伽對人輒言舊事。絕不

爲隱二人皆名臣而孫之坦露視張所處爲優矣君
如得志爲伏伽之不忤則彌佳耳予重張令之請而
嘉羣士之意序以歸之俾書以爲君贈
夏鍾曰越雞不能伏鵠卵魯雞固能
之矣流品豈足以盡人才之用哉

送程侯習齋歸養序

人子之欲養其親者厥有可陳之數矣。几杖旨衽。槃
巾敦匱。枕屨之器之備而奉之。必適其節。滫瀡旨甘。
香腥炮蒸俎醢之味之悉而調之。必得其物。雞鳴而
起。及乎日入而未可卽安。敬其四體。以親於事。雖咳
嚏欠伸噦噎。而有所不敢。寒暑甚矣。而不得襲厚褐。

祖以自便。至於思其可繼之志。常迎之於微眇。而恐其不合。求其不得之欲。常察之於聲色。而冀其中。蓋其煩密而動勤如此。世之君子。乃有不難去其君。舍其國事。與其民功。而退自託於事親者。曰以休其倦。而息其瘁也。不亦異乎。性之至者。無所待於外。而不得淫於物。有土與人之盛。廣施兼濟之得志。而其樂有所不存。堂闈之上。室戶之間。寢膳服御之所。細顏怡而體穆。躬其動勤。而總其煩密。而不知其爲勞。其必有所樂乎此也。烏謂有所倦瘁於彼。而求以休息於此乎。詩人之詠也。董於征行。而歎啓處之不暇。敦

於任使而憫從事之獨勞然則其念而欲歸母廼以
爲休倦而息瘁歟果其倦於事瘁於政而思託於事
親以求休息其於將父母也其數亦以疏矣獨怪夫
先王之隆以道德役天下之賢爲之探其意而代之
言如四牡之詩徒及於其情而不以其性之至者形
之歌將其望之而恐不副爲之述而慮其不踐耶彼
北山之大夫雖其賢於風人之仕者至使父母懷之
爲志其所陟之岵岵啓其瞻望而患其不來然汲汲
於劬勞燕息之不敌以致咎而發詬何其微於性也
蓋予陳古之義以正今之俗而知吾郡侯程習齋公

於是爲不可及矣。且夫上有可得之君。下有可治之民。功業之美盈於前。而爵福之休趣於後。其樂宜無以踰而卒。不以此易彼。推其義。可以愧北山之大夫。而魏風之仕者。當爲潁面而泚頰。使出於上古之隆。而逢小雅之作歌者。猶將悔其所以探乎下者。淺而待。在仕之君子。爲不厚也。世變俗革。化外物而泯彝常。已旣流放而不反。今乃及見於公士之好德者。徒思古而不獲。顧居今而有見也。豈不盛哉。公之僚問。所以贈公者於予。而予爲之言。其義如此。遂書爲序。

夏鍾曰。仕之樂。而有不居。養之勞。而有必就。此性之至也。彼托于養以逸其軀者。又不及詩人遠矣。

別章君美中之齊河序

往余督視山東學政。好以名檢禮法。摩礪其下。其所爲教。尤謹訓典。而範物軌誠之不至。本之不治。是以詳末而多文。人之性習劑量。不可強齊。其視余教。常若閑之在地。過之則踰。不得直行。而坦蹈。余乃忘其德之不足。而急於必行也。而求助於郡邑之學官。其求助之急。故其待之厚。待之厚。故其責之也密。然而頑鈍愒慢者。皆患其厲已。而有所不安。見謂迂濶煩苦。而倍違怨疾之害。作蓋一路數州之廣。學官以數百人。而肯於助我者。數人而已。章君美中其一也。君

於時爲兗州泗水敎諭其束身飭已奮然以師儒自
命不爲苟得雖交際之好耳日常習以爲固然而名
之曰禮者猶有別擇而慎於所受不爲濡利以害禮
至於夙夜敦敏離經敬業率其弟子以修上之敎者
盡應於期命無所遺失雖有操切鈎考之密而不得
舉其缺也余於是忘其不足以爲使皆助我若此亦
何患敎之不行哉未幾余稍遷去山東天誘其衷日
以有聞悔前之爲而知其德之不足也蓋非惟謹典
訓而範物軌無以諭人於精微使之敏功起行而悅
於向道而其謾名矜跡依憑之勞而假托之似尤非

所以爲學也。旣以自愧，因以疑章君之爲人意。其矯強蹈厲，苦心刻意，企當世之名，而殉驚衆之行，是以其求之急，而應之無難，責之密，而守之不失也。去年春，章君以服除來爲晉江教諭，余已罷歸晉江吾邑也。得以脫去名位之拘綴，而修游講之雅。君淡然禔簡，有以自足，常處於閒靚寡營之地，粹然迫之而有不動。囂然誘之，而有不逐。非所謂企名殉行如余之所意者也。嗟乎，余之陋也。彼其後之所以意君者，旣失之，而其時之所以嘉君者，亦豈爲能知君哉？君方有齊河之授，旦夕且行。余其能無眷然於茲，別乎齊。

河○故○余○視○學○之○縣○也○今○其○自○悔○者○固○難○以○追○改○而○偶○
有○聞○者○又○不○得○與○之○共○爲○也○君○行○矣○出○政○發○慮○與○民○
布○利○而○去○害○宜○有○餘○閒○以○詔○諸○士○其○尚○相○與○講○焉○求○
進○其○所○聞○以○追○余○之○愧○也○哉○

夏鍾曰一篇精神只在助字責字聞字悔字意字
愧字幾箇虛字上層層洗發段段呼應心靈舌慧

送陳南郭先生擢古田學序

先王之制○詳於爲民立師○而重乎其立之也○故於家
有塾○於黨有庠○於術有序○於國有學○莫不有師○可謂
詳矣○然所立以爲師○
能爲民所興○倦於
仕而不敢勤以政者○乃使爲之○大夫爲太師○士爲少師○

間里之細猶以國之老臣爲之師其立之如此其重也故於其時苟其德足尊其道足樂者莫不爲人師德未足尊道未足樂者莫不師於人夫其師之重也非有可樂之道可尊之德則不得立乎其位無有侈然自好而求爲人師者矣王制失師職廢士始自以學相師於是有忘其不足而好爲人師者記曰不聞往教蓋謂夫人莫之師而欲師乎人者也是所謂好爲人師者彼其好爲之也亦不知其職耳誠知夫師也者師其道也師其德也道德之不足而敢侈然立於其位也哉今世凡官於學而以教爲職者皆謂之

師而上之所立也。然則立於其位者。苟其道不足。樂德不足。尊亦有所托以自解。而免於求爲人師之責矣。乎。君子之仕也。雖其任之以事。猶必量能而後入。今將隆之以道德。而命之曰師。顧不量其能。曰是上之立我也。而冒焉據之。其可乎。甚哉。世之失也。有任人以事者。必度其人焉。曰可乎。其任事者。猶恐而畏焉。曰其將不勝乎。苟有以師立人者。則無所不可也。爲師者。亦無所恐。且畏以爲皆可以勝之也。何其異於余所聞耶。余見今之爲師者多矣。其不爲冒焉據之者少矣。此余所以深有慕於南郭陳先生也。始余

未見先生而知諸士之尊且樂之也曰是必有道德者也及其見之也其退然藏者不可得而侮也其澹然守者不可得而厭也信乎今之有道德者也是可爲人師者也非所謂冒焉據之者也宜乎諸士之尊且樂之也先生方且益修其德益進其道常恐而畏曰吾何以爲人師也嗟夫余見乎不足以據之而冒焉不恐且畏者矣未見夫道德足以據之猶恐且畏如先生者也先生由泉州訓導擢爲古田教諭其僚皆謂先生賀而請贈言於予如先生者奚往而不可爲人師哉奚士而不尊且樂之哉予何以贈先生哉

夏鍾曰描寫盡
致無數波瀾

送林龍湖先生之任河池州學正序

事不得乎其職。實不愜乎其名。君子愧諸。終日處乎其所愧。而不忤於心。非其情然。悍然安行而疆拒也。未嘗以其職者。協其事。以其名者。隱其實。事常匿於其職。實常遁於其名。誠以爲足以據其職。而無不効之。恐卽其名。而無不符之憂。則何愧之有。如是者。世之君子。筮仕入官者。之通患。而吾以爲尤甚者。學官也。學官之名。師也。其職教人者也。學之不知道德之。不立冒焉。而處之者。皆是也。問其官之名。師也。問其

職教人也。問其人則學之不知道德之不立也。直冒焉處之而已。方且偃然當之以爲彼無所不足於是官也。方且苟然就之以爲彼猶有所不屑於是官也。吾將舉其職而稽之。徇其名而責之。使修其事而後得居其職。充其實而後得有其名。彼且瞿然四顧惕然內歎。走避之不暇而敢以偃然苟然乎哉。嗚呼。事實之不著而名與職不足以愧夫處之者之心。於是今之學官始爲士之困於進而倦於學者。偃休之遽廬其置其廢殆無損益於得失之數而不爲世之冗員。猥品益無幾矣。人材之不得成。世道之不得隆。其

不以此哉。以予所感於世如此。苟有不愧之君子。出
乎其間。雖不及見。猶將聞而慕之。况於得友其人。相
遊之歡。而相講之篤哉。今龍湖林先生是也。先生學
乎孔子孟子之學。其道既明。其德既成。如是而爲人
師。吾信其無愧矣。人材之成。世道之隆。蓋深有冀於
先生。而先生其亦嘗以自覈耶。士之講於學者。鮮通
乎道。而成其德者。未有聞也。豈其職分而不專。其於
事之修。猶有不負乎其意哉。然則先生之於是官。充
其實。以有其名。則可以無愧。而修其事。以居其職。亦
不能以無憾耶。今去而爲河池。其職專矣。有先生之

實而又得修其事。人材之盛而世道之隆。其必自河
池始。而諸生之事先生者。方且悵然其師之去。悼前
日之急。而作其今日之勇。先生之講猶存。則於明道
成德。不爲無助。不必在先生之側。而先生其終可以
無憾乎。故余爲諸生述其意。以贈先生。併以爲諸生
告云。

夏鍾曰說佛便佛說仙便仙先生
說教官便教官真傳神寫照手矣

別周惕齋序

苦行偏節。世之所貴。而無取於君子之教。謂其事之
難繼。而不通乎恒人之所同然也。其果然乎哉。恒人

之所能而無害於事則固可與之共能矣。恒人之能
善其事者鮮矣。今將逆爲之慮其可繼而設與之同
能。吾恐無驚於俗而已。病乎道矣。與魯人獵較。孔子
之所能亦恒人之所能也。接淅而去。不脫冕而行。非
恒人之所能矣。受采薛餽金。孟子之所能亦恒人之
所能也。辭十萬之祿。拒萬鍾之養。非恒人之所能矣。
孔孟者教之所出。天下萬世之所從學爲中庸者也。
而不使人皆能其所能。則世之言修行立節而期於
同乎恒人者。果非然矣。節行不必期於人同。顧有不
免於偏苦之名者何哉。通乎天下之志而謂之可繼。

非使人人能之之謂也。踰垣閉門之風。且見謂高於接淅。蓋祿萬鍾之粟。有不食。何必不潔於辭。中國授室之富。然而孔孟以爲中庸。而泄柳段干木陳仲子以爲迫。且小則所謂可繼與不可繼。其義可知矣。此猶人之所不能者也。人之所能者。猶有辨焉。獵較魯人所爲。而謂魯人皆可爲孔子乎哉。蘇秦張儀公孫衍之徒。莫不受諸侯之金。亦將自託於孟子之事耶。惟其天機性體之流行。動于心之所安。而中乎事物經曲之宜。則人有所不能。而謂之中庸。而况其同乎人之所能者乎。中庸者。固非學者之所易及。講之辨。

之以庶幾從事焉。其亦可也。今之爲師而受子弟之
餽。恒人之所爲也。爲有司而費民之供億。亦恒人之
所爲也。臨江周惕齋君。爲惠安教諭。獨不受餽。其賢
名著矣。德化令缺。部使者檄君攝之。君辭不能得。則
從一僮入縣邸。自治爨給朝夕。不以蔬米之微費邑
人也。邑人皆異之。趨下流濕之時。乃有不徇乎俗。特
制以已。如君之所爲。良足貴哉。吾爲講古之學。辨夫
中庸之所爲。可繼之道者。以證君之明。其爲心之所
安。與抑猶不免鉢慮。刻意出於投世人耳目之好。而
苟爲斯難也。夫欲以貴於世。則世已大貴君矣。苟欲

有合於教君尚因吾之說而加體究焉其不爲偏與
苦而由乎中庸之徒孰禦諸苟謂吾欲君與恒人同
能其亦未審於斯之所講已矣

夏鍾曰苦節不可貞中庸不可能
只管平平做去不必說高說低

送孫古山博士還家序

凡有職於官者皆必有事居其職而爲其事則勝與
不勝之跡著考其事以覈其職則去與不去之辨詳
由監司之重郡邑之專下迨莞庫狴庾郵傳亭徼坊
庸之卑瑣巨細冗要不同均爲有事於其職云爾惟
其以師儒命官設之於學以教郡縣之子弟亦爲有

職於官而實無可考之事其義在於以道教人授業
解惑長善抹失以淑學者之心開發其聰明而陶養
其德性蓋其化之成至於微而不可知其功之所積
則古人之所謂壽考必世而後可冀也今將使與百
司之有事者同與於三載之考勝與不勝之跡既不
得而著而欲辨其去與不去其爲不詳亦可知矣然
而考之者不任以爲責徒委之於法曰是固當然論
者亦復不以責考者曰是不得不然如是亦何以服
去者之心而能使其無介然於胸中哉是歲考天下
百司吾郡博士孫古山先生報至當去子弟相語以

失其師爲恨。室於歎。途於議。歸咎於考者。而無所致其責。廼謀所以釋先生之去。羣就吾廬而乞言焉。觀先生得士之深如此。則其功化之所及。雖至微者。不可遽知。待久者。難以驟冀。而其道有以得士。亦可考矣。徒以無所効於事。使猥與百司之不勝者同去。宜乎諸士之以爲先生恨也。先生方且從容自安。泯失得之憂。以順去留之變。束書冊。褚裘葛。實以來時之篋。曾不得盈。浩然出舍。而無閔貧悔廉之色。蓋其所養有過人者。其得士之深。非苟然也。嗟乎。與先生同籍而去。蓋有監司之重。郡邑之專。與夫莞庫狴庾郵。

傳○亭○微○坊○庸○之○卑○瑣○其○當○去○之○辨○固○不○可○知○其○爲○當○
與○否○然○專○且○重○者○以○其○在○事○之○勢○苟○有○所○蔽○害○理○法○
以○違○其○心○比○其○旣○歸○追○數○前○過○鮮○不○悼○艾○慚○忸○而○自○
失○其○卑○瑣○者○以○處○世○之○下○屈○辱○其○形○體○愁○苦○其○骸○骨○
釋○勞○而○去○不○能○無○怨○於○向○者○之○僥○僥○而○無○得○先○生○之○
歸○豈○復○有○是○兩○者○之○累○哉○然○則○諸○士○亦○何○必○甚○爲○先○
生○恨○而○先○生○得○吾○之○說○以○歸○信○其○可○以○無○恨○也○夫○

夏鍾曰官以教爲職微不可知遠乃可與非三載所能考說得教官任重道遠如此豈宜輕去者乎

送程龍峰郡博致仕序

嘉靖二十三年制當黜陟天下百司庶職報罷者凡

若干人而吾泉州儒學教授程君龍峰名在有疾之籍當致其事以去程君在學方修廢起墜蒐遺綱失以興學成材爲任早作晏休不少惰怠耳聰日明智長力給非獨其精爽有餘意氣未衰至於耳目之所營注手足之所蹈持該涉器數而周旋儀等纖煩勞憊莫不究殫勝舉不知司功者奚所考而名其爲疾也黜陟之典固將論賢不肖以馭廢置人之有疾與否則有命焉賢不肖之論非可倚此以爲斷也况於名其爲疾者乃非疾乎人之賢不肖藏於心術効於治行其隱微難見而形似易惑故其論常至於失實

非若有疾與否。可以形決而體定也。今所謂疾者。其失若此。則於賢不肖之論。又可知矣。此余所以深有感也。又有異焉。古者憲老而不乞言。師也者。所事也。非事人也。所謂以道得民者是也。責其筋力之疆束。課其骸骨之武健。是所以待猥局冗司之末也。古之事師者。其飲食於飯。患其噎。於齋。患其哽。而祝之也。其居處於坐。則有几。於行。則有杖。皆所以事師而修其輔羸攝疴之具。未聞以疾而罷之也。古之道。其不可行於今乎。程君之僚。與其所教諸生。皆恨程君之去。謂其非疾也。余故論今之失。而及古之誼序之。程

君雖誠有疾亦不可使去也。君去矣。歛其所學以教鄉之子弟。徜徉山水之間。步履輕翔。放飯決肉。饗樂自喜。客倘有訝而問者。君胡無疾也。聊應之曰。昔者疾而今愈矣。不亦可乎。

夏鍾曰。有用人之責者。不及其年而用之。坐視其老且疾而不恤。又從而罷之。人才不幸。一至此耶。

送葉生士直還吳序

古者人子之養其親也。其節至繁。而其事至勞。寢起坐衽。溫清向趾之適其宜。紛綽刀礪。鑄燧箴管。繁賡之脩其用。肉魚棗栗。桃柤脫作。新撰膽鑽之辨其治。醴酒醴。芼羹燂湯。潘浙免苑。脂脣之悉其物。其朝

夕之勤。則蚤作晏息。而不得休。其視聽之專一。則無聲無形。而耳目將營之。其亦爲繁且勞矣。又當從事於學。出與其鄉之俊選。相羣而樂。以歲時朝其長老。鄉大夫習其射饗燕食。以知上功尊齒之教。詩書禮樂之術。順四時而歌誦。蹈舞之。其所游居進退。不於塾序。則於學。不在國中。則在郊。旣入而爲其繁節。勞事以左右於父母之養。出而從事於學。其趨術博而用功多。又如此。其爲養也。非獨少時然也。至於壯而已老。而孝敬不敢衰。其爲學也。非獨其長時然也。自其幼學就傳。而居宿已離於幃闥。宜乎其不能兩得。

而兼至也。然古之制無越鄉之業。其子弟未嘗離父兄之側。其父兄之貴而命於朝者。亦爲仕於其鄉耳。子弟之孝而能養材而好學者。入則悅其親。出則敬其師。而樂其朋。其力足以兩得其情。無有不至也。今之爲仕。無在其鄉者。父兄苟不仕。而使子弟學焉。則有躡籬負笈。裹糧而馳四方。常有不得養其父母之嘆。其仕而子弟從之。則往往視其仕國之人。如異域之不可以目接而面覲也。深居簡出。匿崇巖而守空虛。雖左右之養得矣。而常苦於學之難。兼彼其學而廢養者。固不養之責耳。其養而不得兼於學者。豈非

時○冒○之○失○拘○曲○之○說○勝○而○大○公○之○道○微○耶○余○用○是○有○
慕○於○葉○生○矣○葉○生○吳○人○也○其○尊○翁○素○峰○公○始○仕○爲○泉○
州○節○推○而○生○來○省○於○郡○邸○公○之○爲○郡○不○以○拘○文○曲○法○
自○蔽○其○刑○旣○明○其○令○旣○行○則○進○邑○士○之○聰○明○材○敏○有○
志○於○學○者○語○之○以○禮○樂○之○事○道○德○之○言○士○之○聞○其○語○
雖○感○動○興○發○大○小○異○等○然○睹○於○至○意○而○漸○於○大○和○莫○
不○忻○欣○然○如○弟○子○之○立○於○嚴○師○明○傳○之○前○而○不○知○其○
爲○吏○於○吾○土○也○公○亦○喜○其○教○之○著○而○人○之○從○乃○使○其○
子○出○見○鄉○縉○紳○先○生○暇○則○與○諸○士○游○談○詩○問○禮○考○德○
正○業○不○在○乎○術○序○黨○庠○之○間○而○有○藏○修○息○之○益○亦○

可謂兩得而兼至矣。古人兩得之者，以父兄之仕之
在其鄉也。葉生游於他邦，舉養於學而兼至焉。信乎
人之樂有賢父兄也哉。公既命生以歸，奉丘廟，戒曰
將行矣。諸士謀所以贈之，而來請於予。夫生辭親而
歸，既息乎就養之勤，無繁節勞事以役其形氣，則於
爲學功宜益專。他日德行成而聞名達泉之士，將有
望其聲光，思從之游而不可得。若是雖不朝夕乎親
之側，其於爲養也大矣。生乎勉之哉。

夏鍾曰：學與養不能兩得，此論亦奇。可見離親而
學與離親而仕皆非得已。然則學與仕之不及耕
也久矣。

送明府朱肅菴大人序

古之交以道義者神融氣合無間於形迹惟其相輔以成美而已故有一善焉崇長而勸之惟恐其不力也有一失焉指斥而規之唯恐其不聞也年殊而志同故先後之叙不存焉位別而情至故亨塞之處不與焉其於臨治之際有事分之嫌而寄屬之私徇聽之惠不奸其間此雖其守有在於道與義而語其數則恥乎其爲銳且末矣友人曹縣朱肅菴君宰晉江而予爲邑之人自予閒居爲邑之長於斯者未嘗不得見也以邑人役於其邑之長無有所謂交者此無

所誦彼無所徇漠然而已。抹過諫失。旣非吾所有事。而誘善納益。亦不得誣焉。而疆爲之忱。予之爲邑人。蓋亦易矣。以是道爲朱君交。其可乎哉。失焉不規。是匿其心而無所用戚也。善焉不勸。是外其愛而無所用喜也。故由朱君之來。予未嘗不竭智畢誠。思自託於古人之交。欲求君之失而規之。而君爲邑粹然整密。完美無缺。寧獨施設注措。無害理以病民者。而聲色言笑。未見偶妄而少放。萬目睽睽。環屬仰視。曾無吝悔。可爲視者之所摘。吾雖欲爲忠而無所用其直。惟有崇長其善。用喜以致情。而所善者多。不勝其勸。

君又純心爲之非勒初而弛終大勉而小忽亦不待
於勸焉而後力則予之情亦近於淡然如向日之邑
人役於邑長者爾徒以少知義分之介銳爲謹而末
爲辨無一寄屬之猥賤煩君施惠以是自詭於道義
他人良以爲難予誠知眇乎其爲數矣予性好士往
往能致邑子之才者與之游問學講承之樂旣非惑
者之所知而分誼周旋之跡亦時有出於急病謀困
之所爲故來學尤多君固未嘗不好士士悅君之德
教未嘗不景附而加親然君所以待士專於道義之
雅世俗小恩近利曲相濟以苟爲賜曾不一出焉士

之景附者亦絕其羨援覬望之鄙而無所溺於居近
世有司接士禮洽意孚而指目譏訕不得行莫君若
也予用是自悟舍已爲人之弊宜其至於來毀而忘
其身之賤欲有益於朋友之所爲如昔人所稱者皆
未合乎義而要謂之不知命也予之缺失君雖不予
規然因君所以得士而無弊者有悟焉由是知爲已
之重日且損其爲人之勞是君之於予不肯以言爲
規而直以身爲勸也君行矣予將邁清源山佳處築
室自休鼓琴讀書樂焉而忘老雖士之賢者亦將漸
裁其所好勤吾所有事而未暇與之游也諸士之附

君者多與予游。故羣來乞言。以爲君別。予故惓惓述古人之交。以志予愧。且爲君贈。又因以釋諸士不能別之思。

夏鍾曰。無一語不是贊詞。却無一語涉膚近套。用意之深。運筆之曲。他人不能及也。將好士立論。又說出爲人爲己疑。當時有爲而發者。

送黃南池先生致仕還家序

士大夫游宦。而以致仕去者。爲終始完善。謂其以禮去也。然而有異焉。由其身乞而得之。則自以爲榮。其出於人以法格之者。則自以爲辱。其名未變。而榮辱異情。謂惡其實也。吾所謂實者不然。凡樂與不樂去。

者之實而出乎已。與出乎人者。非吾所謂實也。今以
乞而得。致仕者。誠能無所介于心。而浩然不嬰於物。
耶。或志不得。力不逮。事勢局促。日途窮暮。不得已而
乞。其乞而得之。至無以自聊。鬱鬱不能釋。甚乃追悔。
顧望悼失。前圖其愁苦若此。烏睹所謂榮哉。名實之
失。而世之人不知。所以自處。其情之蔽已久矣。非夫
博碩明雅之君子。胡以矯蔽而寤世也。天長黃南池
君爲晉江教諭。諸生悅而從之。監司部使者。器之。縉
紳士大夫。交重之。非有不得之志。不逮之力。又非途
迫而時暮也。然而欲去者屢矣。諸生士大夫相與挽。

而留之。先生不能違也。君乞身之意。講於諸生士大夫之間。雖其請未上。而監司部使者。蓋有聞也。是以當天下有司黜陟之期。吏部優君致仕之名。以徇其志。君未嘗惡其不出於已。而追過夫挽而留者之

詞不

而

所求而有獲也。吾

所謂有其實者。君其人哉。審乎名實。而不惑於久蔽之俗。吾所謂寤世之君子。君其人哉。嗟乎。名實之失。又有甚者。師者教人者也。教人者必以道與德。有道與德者。必知自重。知自重。然後不失實。自卑其官。以輕其身者。紛如也。吾見爲是官而知自重。莫如黃君。

君之審於名實而有以自充也。在乎此。今其去也。顧有蔽於名實而無以自樂乎。吾以君爲寤世之君子。其益不誣也。夫君去。諸生群然以戚。吾爲是說以表君之所以爲榮者。異乎世之云以解諸生欲別之戚。而增君歸之光明。

夏鍾曰多少感慨都在言外

贈趙眉溪君署縣代還序

有道之君子尊已而卑官。將擇其大且顯者而後爲之。抑遯其身而終不爲耶。終於不爲。與擇而後爲。非有道之所處也。如是則奚以尊其身由其貴乎已。

者○有○道○焉○爾○下○位○何○必○非○君○子○所○居○居○焉○而○不○以○憂
且○援○亂○其○中○斯○謂○之○君○子○矣○其○位○卑○其○道○尊○其○所○貴
者○有○在○也○誠○內○有○以○自○貴○雖○居○其○官○而○卑○也○尤○不○敢
卑○之○以○爲○不○足○有○事○形○體○之○勞○志○慮○之○專○仡○仡○焉○殫
其○力○於○所○事○不○敢○少○忽○故○士○有○傲○然○睨○王○侯○公○相○如
九○牛○之○毫○不○足○屑○其○一○盼○而○殫○力○於○一○職○之○細○不○啻
持○玉○寶○龜○之○重○如○將○不○勝○道○固○然○也○嗟○乎○高○囑○盈○視
眇○然○置○王○侯○公○相○之○尊○不○介○於○目○人○知○爲○君○子○之○尊
其○身○甚○白○也○劬○形○憊○思○於○一○職○不○耻○猥○冗○而○君○子○以
爲○我○固○尊○其○身○非○有○道○者○莫○能○知○也○泉州府檢校趙

眉溪君南海人也。南海五嶺之表。而君修於庠序。發聞乎有司。文章之光華。節義之意氣。宣暢於躬交之者。益衆。水通仕籍。而四方之士。已知南海有趙君也。以籍就銓。則當事有力之人。莫不欲致君出其門下。君泛然不可致。而得戶部司務於留都。其在戶部。諸郎官之治曹事者。莫不咨政質疑於君。君一爲之畫。或愧於不知。而待君爲助。陽諱其助。而陰害其長。君不爲防彌。以是出爲檢校於泉州。君徐就貶所。貌斂而不詘。意下而無忤。不爲諂。賣於上下之交。而無所美援乎爾我之際。他人觀者。亦知其能睨王侯公相。

而不入於心也。然上之人勞之以事。則東西南北無
適而不之。於中無忤。其外不怒。一日德化之民。以乏
令請於上。得君攝之。君往爲其民祛患興利。民大慚
所欲。以爲百年來無有仁我如攝公者也。而君所以
勗形憊思。修一邑之政者。若其甚重是官也。而不惜
爲勤。吾所謂君能卑當世之官。以自尊者。尤以是觀
之。始予謂君聲華之駿茂。氣誼之膚博。信嶺表之才
也。及觀其所以居謫者。而知君殆近於有道者矣。是
可敬也。德化之士。請於博士張東豐先生曰。邑之民
謂攝公仁我。諸生則交謂能以問學德誼教我。惟攝

公也。茲其代。諸生未知後果能有立。終當益思。願今
無以爲別。安得善言者爲攝公贈。副吾黨之情。於是
博士率其徒來序。故序。

夏鍾曰。孔子爲委吏。柳下不卑。小官由其貴乎。已
者有道也。然則世之以小官爲戚戚者。未聞道耶。

送吳默泉先生序

君子之德。何其多而難全也。洪範列所以又人者。沉
潛高明之不可兼。則克之以剛柔。必有待於剛柔之
克。而後沉潛高明者得歸於平康。其始蓋亦偏矣。后
夔典冑子之教。悉數其目。有直寬剛簡之繁。而直寬
者懼其溫栗之不足。剛簡者憂其傲虐之爲害。彼皆

學於上。而且有承之庸之之望。其所以教。猶當誘其
未備。而防其不及。如此。然猶謂治教之法。待之詳。而
設之豫。云爾。臯陶矢謨。言人之德。其多至於有九。當
虞之盛。宣明其三。嚴敬其六者。皆可以爲家國之用。
爵莫尊於諸侯。事莫重於大夫。其爲諸侯大夫。而熙
浚明亮采之載者。亦言其人之有德。至於三六而已。
德之難全。厥已久矣。以予觀於吳默泉先生之德。何
其全也。方乎其外。未嘗止而不行也。介乎其中。未嘗
劇而難邇也。動乎其不可禦。而若有約而留之者。而
動出於有恒矣。藏乎其無所有。而若有拓而發之者。

而藏蘊乎善應矣。其德之詳不可以遽列。其於皐陶
今於德者。禹益皐陶之外。其爲諸侯大夫者。已相爲
多寡。其不能至夫三六。而僅有其一二者。宜多奮於
治世之庸。如是亦烏得謂之一。彼皆昭乎其宣明。肅
乎其祇敬。有者無所棄于無。而無者不以忌乎有多。
者不敢病乎少。而少者無所愧于多。雖有三六之未
備。與夫一二之僅有。而卒謂之咸事於時。然則所謂
九者。何嘗不全。而又烏有不一者哉。有虞之君子。所
以爲盛。皐陶所以得悉其德。而目之。執其目而知之。
靜言而壬色者。不得廁於其間。今之君子。則異於是。

有者以傲無而無者以嫉有多者以之病人而少者
以爲人媿偏黨反乎皇極惡斂泊其彝性志不通乎
天下而俗不同於斯世其患非一日之積也無者既
已嫉矣少者既已愧矣非夫有者之能致無多者之
能容少吾又何望焉今之君子有而且多者旣莫如
先生且將有大位於朝也必有所治也必有所教也
以平康者治以中和者教忘所有以矜無而無者將
日進于有舍所多以從少而少者將日勉於多然後
其進而勉者受之可得而知施之可得而事也融釋
偏黨泯絕惡斂敘常倫以還大中而君子之德不爲

徒全矣。非先生其孰爲之。余竊爲先生望之矣。郡博
士紀君其賢能知先生之德者。欲有以贈先生。而余
爲之序。

夏鍾曰。奧論眇義。清徹到底。
先生胸中碌碌不可丈尺。

送詩人沈青門序

詩人之不偶者。有性靈觸發之能。而無物役拘糾之
害。此天民之佚樂者矣。其視富貴之人。宜如檻狝牢
豕。閔然于中而不足近。名器寵數。俗所謂尊華者。皆
瓦礫塗炭。瑣屑而朽穢也。然予觀唐世詩人不偶者。
顧不以謁貴者爲戒。呈卷投軸。左睨右矚。幾幸一遇。

如秦關燕壁遊說之客。結軫馳叩。朝失於此而暮冀
乎彼。皇皇然其有所迫而不得休。吾未見其能樂也。
其時公卿得以薦士。節鎮得以辟官。故不偶之詩人。
雖其失意於場屋。而多僥倖於薦辟。斯人也。之與顯
者。遊固其詞藝矜美。相爲標致。而藉援恃力之圖。爲
不淺矣。彼顯者皆有才學詞章名一時。其吟詠風格。
非出不偶者下也。顧能不愛屈已以成不偶者之名。
如張燕公之於孟浩然。賀監之於李白。柳子厚之於
符載。杜牧之於張仲吉。殆不可勝舉。以斯論之。唐世
詩人淪落江湖者。未可爲貴。而諸顯者能成人之名。

其道有足尚矣。近世風騷將絕。江湖之上有能爲詩歌。視唐世難得。何啻千百而一二也。而士大夫取高資。都盛位。蓋有不能爲詩者。以顯者所少在此。而江湖之士難得。又如彼相求之跡。固當在此。而不當在彼矣。且此之與彼遊也。無薦引之門。無辟用之途。彼亦無所藉恃於此。而倡和往反之間。果相矜於藝。而非有皇皇之冀矣。江湖淪落之人。誠可大貴於今之時。而士大夫往往不知。所以成其名。以自附於唐之顯者。豈不過哉。錢塘青門山人沈仕。江湖之能詩者也。自壯而強。行遊四方。多與富貴之人遊。其能屈已。

三
通
唐
集
卷
之
四
以成青門之名。宜必有之。吾未之及知。而知青門無
所藉恃於諸顯者。以其來遊閩中之跡。推見之也。青
門入閩。泉袍布衾。從一僮。鰲面而微跛。蹢躅然憊也。
唐之以詩謁顯者。一見則欲廢其半餉之享。輟其一
姬之貲。如執券責負。傲然必得。何至如青門之憊也。
予用是知今之顯者。之所以遇江湖淪落之人矣。予
閒居寂寞。絕意當世好事之徒。顧辱青門。枉與之遊。
予之不能有益於青門。可知矣。獨不難屈已以爲之。
重。而又非有文章之名也。雖俯躬匍匐。胡能增昂青
門之錙銖。爲青門計。當且改耑。庶幾有偶也。青門顧

謂予曰斯行遇公歸亦將終隱矣不復有望於餘人也斯言其爲謗邪其非謾也則青門之蹢蹢南行而窮宜矣古有得人一雙之璧百鎰之金盼若毫毛惟以一言之知爲重此豪士佳公子之所爲非所以施之今也青門行四方受雙璧百鎰於人宜不少矣今乃持嶺外迂廢無用之人一紙之序以歸曰可以終隱也青門雖自不爲謾世其不有以爲謾者乎是可笑也

夏鍾曰詩人要他有氣骨顯者要他有肝腸古今人同不同未可知也

周蓮坡公榮封序

迹混而人殊庸者之所忽而智者之所明也。今夫材
不試於事而虛有其職之號。食不及其祿而遙有其
秩之寵。上之人無所擇而畀之以爲是其子若孫所
得之職之秩而還以與其祖父無所費吾之器與名
而可以爲其人之榮也。下之人不必量而受之以爲
是吾之子若孫所得之職之秩而推以及吾之爲祖
父者。非有待於賢且能而可以安享乎上之賜也。是
今之所謂封官者也。且夫不試於事而不食其祿者。
豈必皆無能之人哉。蓋有懷藏道德重其身而不出
遺逸於世而不憫者矣。亦有挾長負奇屢奸於時而

不一遇。齟齬坎輓。無所發憤而斂志以窮者矣。重其身者。無所慕於外。非虛職遙秩所得而榮之也。斂志以窮者。志在於効長見奇。而不肯以虛職遙秩自樂爲榮者也。然而上之人以是畀之。則不得辭。故有召之而不至。官之而不屈。而無有封之而不受者。是懷藏道德。與挾長負奇之人。苟有其子。若孫所得職秩。推以及之。則無異於無能之人之所蒙者也。此非所謂其跡混而非常人之所能知者耶。吳郡崑山周蓮坡公其子大理君爲興化知府。天子加其久勞於外。善於持身謹法。以仁其民也。優以褒典。授公以其子。

官以慰其子之勤。而且以爲寵焉。於是公亦爲興化府知府。尊于家。公之夫人晏氏。尊爲恭人。鄉人無不爲公與夫人榮者。公方澹乎其深藏。冲乎其善下。守其履素之原。而忘夫外來之益。重珪累組之華。其躬曾不加於草衣芟裳之陋。雕轂文茵之愉。其體不以易乎火居石斗之顛。而漠然不知名寵之貴。錫貺之美也。豈非其志欲以有爲。不以虛得其職秩爲榮。而其自樂之道。有不得而榮之者耶。雖然。所謂有道者。不敢過於自肆。而傲上之爲。有志者善於繼之。有人而不必其身之自爲。公烏得無以爲榮乎哉。公之所。

知是是所以爲殊於人也興化君之僚郡
章君嚴事其長之賢本其所自而幸其
有以贈公而余爲之序如此公其不
知哉其以余之言謂有以明之哉

右延真處
是畫工

人序

以其好廣大宮室珍美服食聚不
心如近世所名學佛之徒也殫力於
源謂之高大微眇而毫髮千里之間
儒距者也近世名徒於佛者何如哉

惟室服食之知而畏下情。無復小慧。他能以
心矣。士之名儒者。猶睢睢盱盱。詞費氣盛。以距
功。是佛之得距於儒。既非其所以取距。而儒之
乎佛。尤失其所以爲距矣。不亦謬而可笑哉。其
間固有屏絕聲色。禁耳目之邪。淡節臭味。裁口腹之
慾。約身勞體。以自苦刻。居無尋丈之安。而行有山跋
谷涉之勤。屬屬然奉其教之所謂戒者。以求別於其
徒士者。且以爲世所難得。交禮而多譽之。彼亦以此
自賢。沾然內勝。謂足以抗吾道而存其教。如吾所見
漳州開元閒。寂上人智海。殆庶幾其人矣。佛之爲言。

固存於其經以大小分教乘而明聖賢之差別則守
戒不失蹈人之所極難猶不足語於下乘之數蓋自
東土所傳離祖而爲宗者未可望其門牆視彼迦葉
以下二十七人一鐙之照西土相續如其經所稱云
者又未知羊牛之車相去如何耳充吾儒之所距則
摩竭掩室片詞俱泯之旨乃足以深攻細折而與之
較同異於毫髮之間如上所守非獨其教之末亦
吾道之所不足致距也上人於佛氏之經該誦而精
講良亦勤且博矣其言固在苟求之而思思之而得
究其所主將必有以抗吾道而特存吾方距之不暇

而暇與之遊哉。上人勉之。然吾亦懼。未所以自爲者。不至他日。復見上人。無所操以爲息邪。放淫之本力。不足以有距。而卒爲上人之道所抗也。吾與上人交。當勉之。

夏鍾目距其所不當距。而當距者。反不能距焉。卒爲上人之道所抗。其患不小。先生所以自歎且自勉也。

王遵巖集卷之五

晉江王慎中道思著 後學張汝瑚夏鍾選

序

雙壽寓祝序

士持所學以從仕。內有行己之耻。外有守官之防。勉仁路義。而思廣聞譽。施身之美。其視膏粱文繡。誠何物也。故樊輿馬。惡衣食。以勤斯民之政。確乎不以不義之得。易其所願之介。其道固當然也。以是道事親。果能以必合乎哉。有羊續之母。然後可以遂懸魚之清。有吳祐之母。然後可以獻衣囊之諫。持己之所貴。

將使父母與之同而無間。是賢者之所難冀。而事之
至不可嘗者也。果其不合。知不可舍。所貴以苟庭闈
之歡。則有自決其志。悍然顓行疆閉。而不顧耳。豈士
之所樂哉。子知所以自貴。父母知貴其子之貴。兩得
而俱安。自人生之大樂也。吾於肅菴君見之。君爲晉
江躬仁義之實。以循其身。動而加乎民。非其所自修
者。不出也。從仕三年。貧約如一日。其爲羊續吳祐。不
愧有加焉。予固疑其無以爲遠致高堂之奉。而恐其
親之不能無不悅也。然聞譽之出於吾民者。洋溢流
行。達乎曹鄴之交。如溫陵之境內。翁聞之而喜。入以

告內太孺人與翁相對皆喜方且課童治畊訓婢執
耒登其田畝阡原之所納以供朝夕豐不爲侈儉不
爲吝天機不誘於耳目之交陶然自得南北之陌東
西之鄰有盛車騎從僮奴喧赫過市側睨傷窺而不
敢指歌鍾笙等遞奏繁會致賓客而迷昏旭翁與太
孺人視之若無所覩而漠然不以聽也予以是知翁
夫婦之高尚非徒能貴其子之所貴而固有以自貴
者子之所願有以順親之心父母之所安有以發子
之志是則非朱君之能爲子而實翁與太孺人之爲
父母有以成是子也予始重朱君以賢如是今而後

三
知君之賢之不足爲難而翁與太孺人之知有以自
貴誠世俗所希有而絕出也予始愛朱君能合乎親
免於悍然決志有顓行不顧之累以其爲幸之大予
而後知君之所以能爲仁義以致聞譽之美皆父母
之教之而不足言也邑之秀民獲事朱君之賢知君
之於孝甚篤也欲有以爲其二親之壽而以請於予
蓋古者介壽之儀與物在乎撰食爲酒考擊鼓鐘以
備樂藉飭筐篚以薦侑旣遠莫之致而末乎其所以
爲翁祝故言翁之所以自貴者見於文使持以獻朱
君過家登堂爲翁太孺人介無疆之壽

夏鍾曰朱君之賢不足難翁與大孺人之賢
爲難得正合善必歸親之義文亦委折入情

壽蔡逸翁七十序

鰲江以東里居聚落之巨而名者莫如東石大海在
其南予嘗一再至焉登高原以望大浸之茫然目之
所望極矣而不知其涯際之所窮空水混涵於迷眇
浩漫之鄉隱隱若有所覲意其爲方丈蓬萊聞風之
神山記所稱仙人不老而長存者必多往來其間而
吾不得一遇焉爲之徘徊客與神頰志倦而有遺意
旣望而休訪吾蔡逸翁於其廬修髯龐肩廣顙豐頰
目視不流而丰神四溢舉趾甚重而步履若翔爲之

起敬而驚嘆曰。斯非其里之人歟。而胡其非里之人也。問翁之所以能然者。何術而然。翁不言也。觀於其堂。杖几巾履之置有位。播灑未嘗勤。而塵塽鮮至也。觀於其圃。草木蔬竄之樹有列。糞溉不待力而滋長有加也。鷄鶩之食飲。牛羊之出入。不失其節。而各適其時。蕃息馴狎。可閱而數。而畜字之事。擾牧之宜。未嘗親也。予於是道然而寤。是所謂純其意而不廢乎物。神摯而形不勞。事起而械不作。行於無爲。託乎不得已。與世芘芘於人。涸涸獨保所有。漠然以固存者乎。然則所謂神仙者。何必在大海窮髮絕域。望而不

得見之中所謂不老長存者何必遺世羽化辟穀形
解虛無不可究詰之人蓋卽吾所登之堂所踐之圃
而方丈蓬萊聞風已宛然而在卽吾所訪睹其不爲
里之人者固真所謂仙人歟是歲月日爲逸翁初度
其子廷用民望之友與姻戚之雅者群然集於其堂
祝翁之壽請文於某夫翁之所保旣已漠然遺世之
所有區區語言之工道說藻潤何足爲公謹所謂真
仙人者存齡儲算方與川偕至與日並升極乎天地
而無疆而奚待於羣然多儀之祝然方且觴焉以致
祝文焉以盡飭茲亦所謂純於意而不廢乎物者耶

夏鍾曰神仙不在遠而在
近妙論亦至理急須領會

壽丹臺吳翁序

養生之大方○有道有術○道所以爲恬也○術所以爲愉也○恬而不愉○雖志悅於內○而和不足以葆其外○愉而不恬○則氣循於外○而中未有以久其存○所謂道者○非以其不私形軀○與人同體○而我無所獨利之謂與○翁合太和○導練元氣○使疵癘無所薄○而疾疹不得作○恡惜形軀○如珍圭璧而寶蓄○蔡適得於已○而不可以與人術之謂是矣○山澤之蒙○銅木石之瘠枯○敏噓呼吸○吐故納新○熊鳥引而龜蛇螭○其術足以藏身而漠然

不以物嬰已。鬼處株居無咎也。如是者。永年于寂寞荒昧之墟。爲木爲石而已。雖壽而不稱於世。誦法詩書。佩服仁義。思以其道同物。揭揭然以儒自命。蓋多其人矣。佔畢簡冊。勞其口耳。節文聲容。束其筋骸。往往柴形而火色。其道未至而於術已疎。有稱於世而不得其壽。信乎恬愉相養者之難也。嶺南韶郡英德吳丹臺翁。今安溪博士吳寧靜君之父也。其聰明靈秀。不滑汨于塵俗之墟垢。而亦不以命儒揭揭者之業。役口耳而窘筋骸。又不欲爲木爲石。自戢於無稱。而苟爲蒙侗枯瘠之壽。故畱

神於黃帝岐伯之書內觀五臟九竅息之所起脉之所經窮微眇於未朕而遡源本於無始至於百骸四肢榮流衛行意使而機轉如臂運指而腓隨足雖山澤自藏者所得之術不能加也心存兼濟而樂在於與人共利老長穉幼苟有以六氣七情之沴傷其生者皆引以爲已傷乃始烹煉金石咬咀草木品酌佐使之宜調膈剛柔之性畜百中之方以待求者至則與之與之則必有功善貸而不取其貲多施而不責其報英德之人因翁得不以沴傷其生不知幾何人矣其道不私而其術有以及人所謂恬愉相養者非

翁之謂與夫欲生人之生而自不能善其生者未有能生人者也。故翁之道由術而通兼是二者以永年。儒者媿其術而山澤之癯慚其道。世之得壽而有可稱者莫翁若也。寧靜君繫官庠序求歸而不得旦夕以親爲念。於是邑之弟子寓圖於英德以祝翁壽。以慰其師之心。而羣來乞序於予。遂爲之序。

夏鍾曰嘗讀金丹內外二藥圖說愛其微妙有益於人此文可與之相發明矣

壽蔡鶴峰先生序

年之所以貴於人者何哉。爲其得以彌所受之性。進修之功。日有所底。以考見不病於年數之不足。而無

以自充也。蓋孔子欲加五十以學易。苟不至於五十。則未得以無過矣。蘧伯玉行年六十而化。苟不至於六十。則不至於化矣。其生常存而功得以常用。故尺寸之陰如珍萬鎰之璧。而爲君子之所以貴。年者也。而人之所以貴。君子之年者。亦以此故。五十而無大過。則孔子之五十也。六十而化。則蘧伯玉之六十也。別聲被色。分味辨臭。以盡耳目口鼻之能。而充天地所委之形。貌不作於志。而浩然有以塞於兩間。名之日。君子之年。而晝夜日月之所見伏。寒暑四時之所來往。載之於躬。曉然其若昏旦之作息。動靜之慘舒。

年數彌高而益以爲可貴。蓋道德不一。學問不明。之後人之能永年以厚生者。常不絕於世。而不出於學問。以進其道德。則亦無可貴之年。故眉龐顛白。隤然其修齡者。徒可以享子弟之養。而不足以爲朋友之嚴事。勤服於是。稱壽致祝。僅爲家人父子閭里孝愛之末儀。而無所用之於道德。問學交爲愛敬之際。其可以有感也夫。吾所爲文以壽者。龍溪蔡鶴峰先生友朋之所嚴事。勤服。惟恐不得爲其子弟。而聲慕氣接於千里之外。猶知講承懋勉。以自奮於下風。蓋先生之學粹然一出於道。其學旣明。其德旣成。而年亦

已高矣。所謂充其天地之形。而稱其爲君子之年。先生蓋庶幾焉。是歲十月八日。爲先生誕辰。蓋年七十有一矣。門人弟子。與夫交游慕接之。在於聲氣之餘者。舉以爲先生祝。而某尤奮在下風。思爲弟子而不可得也。故獨見於文。蓋君子之自貴其年者。爲其加以年數。則可以化。可以無過。學者之得事是君子也。由其無過。則可以內省其非也。由其能化。則可以思齊其益也。故樂是人之長有年也。而願之非徒知貴之焉而已爾。故某爲此文。以道諸君之意。而致祝於先生。蓋異乎閭里子弟姻賓之爲鄉之長者壽此。

所謂交爲愛敬之行於道德問學之間者也。先生其尚益自貴焉。而久爲友朋之所嚴事祇服也哉。

夏鍾曰：君子之貴，年人之貴。君子之年在於學問，道德而非世俗之見。現前名理，惟先生參透入微。

壽童南衡老先生序

分○以○界○人○而○已○未○嘗○不○有○附○以○益○彼○而○此○未○嘗○不○多○
是○治○之○出○於○道○者○也○道○之○精○以○治○身○其○緒○餘○以○爲○天○
下○國○家○終○日○爲○之○而○未○嘗○爲○天○下○國○家○無○所○不○可○及○
而○毫○髮○無○損○於○其○身○所○界○益○乎○人○者○無○一○不○出○於○已○
而○此○之○有○且○多○者○固○自○若○也○得○此○以○爲○上○黃○帝○是○已○
故○窅○然○遺○其○天○下○而○天○下○大○治○得○此○以○爲○下○庚○桑○子○

是已。故居畏壘之墟。而年谷熟。物不疵札。今夫樊然以愁思其心。而謾謾然以役其四體。而曰將以爲人。津潤之沾漑者。勺涓而膏液之漏卮也。江海珍瑰之投遺者。塵粟而寶藏之毀櫝也。丘山不亦去道之遠。而藏身之非固也哉。千里之國之疆亦廣矣。四境之人亦衆矣。上焉視天下則不足。下焉視一壘之居則有餘。將以畀且益乎人。而能無損於身。非得道之至。胡以及此。南衡先生。生乎會稽。名山水之間。獨涵冲湛醇秀之氣。以誘其靈覺。蚤知向道。勤修而敏悟。觀於有欲之微。而躡乎若存之根。守乎知雄之谿。而復

其去雕之朴。蓋與軒轅氏異世而同師。如造廣成之室。而得乎順風之所聞。吳山浙水之鄉。羣然親而事之。如畏壘之人。之欲俎豆庚桑楚而卒不可得也。其爲泉州四境之所際。千里而儉。自先生之爲之。天時則有行矣。祥序丕凝。而不機。日月星辰則有象矣。光華之垂乎下。加顯。草木禽獸固有生矣。隕黃殞殂之災。忽然如失。臣妾之劃然。智者效其職。其奄然愚者不敢愛其力。觀於四境之內。不知孰爲之分。而莫不有誰使之附。而莫不多先生方且葆和含光。閉乎無槌之門。行於不去之塗。存乎我者。愈有而彌多耳。曰。

方○應○之○而○精○不○搖○手○足○方○營○之○而○形○不○困○先○生○所○得○
之○真○殆○將○進○於○至○人○歟○一○日○南○安○尹○蕭○君○過○子○請○所○
以○壽○先○生○曰○誕○日○將○臨○矣○予○謂○先○生○之○道○已○進○於○忘○
已○將○後○天○地○而○不○老○仰○闕○三○光○之○幾○凋○而○俯○觀○桑○田○
滄○海○之○屢○變○於○前○吾○與○若○不○足○以○測○其○算○之○所○極○而○
何○能○爲○先○生○祝○先○生○尚○無○嗇○其○緒○餘○以○爲○天○下○御○軒○
后○以○遊○襄○城○之○埜○行○七○聖○之○遠○途○臻○一○世○於○華○胥○之○
俗○吾○亦○蓬○乎○其○爲○杓○之○人○長○託○畏○壘○之○鄰○比○食○熟○谷○
而○混○於○無○疵○之○一○物○不○亦○嘉○乎○請○以○是○爲○先○生○祝○

壽項鶴山老先生序

道○之○在○於○人○其○精○可○以○攝○身○而○其○餘○可○以○爲○人○古○之○
得○道○者○取○其○幾○希○彷彿○之○要○養○其○神○氣○以○全○其○形○魄○
而○白○貴○於○物○而○土○苴○之○所○斥○棄○糠○粃○之○所○漏○佚○猶○足○
以○爲○天○下○國○家○而○其○爲○之○也○亦○無○所○甚○愛○其○所○以○能○
及○乎○天○下○國○家○非○命○寵○莫○爲○之○藩○飭○非○爵○名○莫○爲○之○
嚴○威○則○其○所○以○爲○人○者○固○道○之○餘○而○必○託○於○外○物○之○
貴○而○後○可○以○有○所○及○事○有○謬○適○時○有○然○不○然○每○難○冀○
於○必○獲○雖○其○獲○所○託○而○所○以○爲○之○者○宜○有○設○張○之○機○
圖○慮○之○用○雖○其○土○苴○糠○粃○之○棄○佚○而○不○能○無○損○于○其○

身○如○拔○一○毫○於○四○體○之○間○損○之○甚○微○而○亦○其○體○之○一○毫○以○其○爲○之○既○有○所○損○而○託○之○又○不○可○冀○故○學○道○者○常○以○爲○愛○而○不○肯○以○其○身○爲○天○下○獨○收○其○精○以○自○攝○茹○百○物○之○英○華○而○吐○其○再○循○四○氣○之○冲○和○而○違○其○沴○因○鄴○鄂○之○藏○滋○胎○胚○之○朕○密○焉○而○不○出○顧○其○多○積○而○不○施○孤○居○而○鮮○偶○無○以○爲○人○而○不○能○極○其○道○之○餘○亦○有○所○不○樂○於○其○志○夫○充○其○餘○者○既○以○有○損○而○不○恬○專○其○精○者○猶○爲○弗○樂○而○未○愉○不○亦○爲○道○之○難○與○以○予○所○聞○永○嘉○鶴○山○之○下○盖○有○隱○君○子○焉○參○知○項○喬○遷○之○之○父○封○主○事○項○公○是○也○公○靡○落○魁○偉○踊○籍○忠○信○而○被○服

剛決始有意於天下國家矣。時之不然。事之當謬。乃
歛而自珍。取道之精。以內攝。貴其身於萬物之上。而
以其志委其子。遷之君。以行於天下國家。蓋公之於
道。其精者。既足以得於已。而其餘。亦有以爲人而不
待其身之自爲。有所及而無所損。含其醇懿。載其訢
通。以遊世。完於德。而還乎天。古之所謂得道者。其幾
矣。道之所以細命。寵卑爵祿外之。而不有者。惡其曲
求而幸取。以害於性。尤患其爲之之勞。不能無費于
所葆之重。苟其來加之益。無所與於已。可以安受而
不惡。其受之也。無膺於其責。無任於其憂。可以長保。

而○無○患○則○其○卑○且○細○亦○精○者○之○土○苴○糠○粃○而○非○爲○道○
者○之○所○辭○公○旣○以○遷○之○之○賢○傳○其○志○復○以○遷○之○之○貴○
尊○其○身○而○染○於○外○物○之○榮○華○都○其○命○寵○而○不○以○爲○贊○
藩○飭○之○資○據○其○爵○名○而○不○以○爲○章○嚴○威○之○故○掇○其○尊○
而○捨○其○責○挹○其○榮○而○遺○其○憂○其○所○樂○者○外○而○所○以○樂○
者○非○外○也○性○之○於○物○內○外○相○合○而○輕○重○各○適○則○分○齊○
不○爽○於○以○養○身○可○以○順○無○涯○之○生○而○不○傷○公○之○爲○道○
專○其○精○而○不○廢○其○餘○足○於○性○而○猶○兼○取○于○物○信○其○所○
履○之○全○而○得○之○造○物○之○厚○將○以○終○天○地○而○論○算○輔○四○
時○而○凋○三○光○有○可○期○矣○盖○道○者○非○徒○以○保○年○而○保○年○

以不老者必出於有道。予知公有道者也。故有以祝公壽。

夏鍾曰：道者非徒以保年而保年以不老者，必出于有道。此義至確，可息紛紛異論。

壽陳靜軒翁序

古之享年而居其鄉者，其歲時之樂，共其鬲俎尊豆，必足於口。調其聲色容氣，必悅於心。撰其冠履几杖，必適於體。是子孫族姓之所以致其孝也。在函風之詩曰：爲此春酒，以介眉壽。朋酒斯饗，曰殺羔羊，是也行焉而不敢並其武，居焉而不敢躋其位，立焉而不敢抗其等，肅其賓客則有容，備其徒御則有數，發其

廿舞則有器。多其獻酢則有侑。是鄉人子弟之所以致其敬也。在行葦之詩曰。酌以大斗。以祈黃耇。是也。子孫族姓之所孝。是老者之獲安於家也。鄉人子弟之所敬。是老者之獲安於鄉也。此猶爲以年不遺者耳。若夫酒正共其酒。槁人共其食。羅氏共其鳩。外饗共其割烹。樂師共其歌舞之事。春夏秋冬有其時。深燕縞玄有其衣。燕射食饗有其禮。是老者之尊于學者也。非有孔昭之德音。無敦之令儀。則不在是。蓋老者獲尊於學。而其德行著矣。非徒以年不見遺而受其子孫與鄉人子弟之孝敬而已。養老之禮廢而今

之所謂稱壽之儀者其父兄高年則子孫與其鄉人子弟率以其始誕之日具酒食召賓客酌而獻焉獻而祝焉以祈無疆而答罔極是雖不盡合於古其亦殺羔羊酌大斗之意也養老禮廢而父兄高年獲享其子孫與鄉人子弟稱壽之樂者蓋亦鮮矣况獲尊於學乎吾所爲文者乃南海隱君子陳靜軒先生而郡邑師儒黃君紹文林君一星輩所爲請文以壽之者也老者獲尊於學已不可見於今之時况於異鄉之學乃知尊之者乎閩廣相去殆千餘里靜翁闇然退藏含真履吉以山水自娛而與木石鹿豕爲友非

有名位氣勢足以動人而風聲精采溢於家族播於閭里至使四遐之境知其姓名是豈徒以年不遺者哉○靜軒之德於是○可以觀矣○靜軒之鄉○蓋亦有學得無有慕黃林二君之風而知尊靜翁者○邑之俊秀必有肆席授几○陳衣操杖○群然而從○伏承下風○欲乞一言而懼不可冀○環膠庠而外望者○當如堵牆莫不油然而生其孝悌之意○慨余居也遠○不及周旋阡序之間○一見其盛○故爲是倡之○

夏鍾曰○老者安於家○安於鄉○尊于學○尊于異鄉之學○層層剝入○觀者目眩而心聳○

寄壽唐有懷先生序

語齒於上下之間。交有尚焉。尚其在上。則曰公曰君。尚其在下。則曰老曰叟。當其爲君公而齒足。尚則貴。有所不與。當其爲叟老而齒足。尚則雖賤而無所詘。此古道也。尚齒之儀。以祝爲文。以養爲物。皆情之所至也。然祝頌之文。常施於貴。其於老而居下者。在養以珍嘉可享之物。蓋其儀之伸於愛敬。各有所用。其爲加尚於齒。則貴賤一也。其祝也。非媚而說之也。有可則而事者焉。其養也。非卹而恩之也。有可憲而師者焉。故語齒於上下之間。而有足尚而德存乎其中矣。是以貴爲之掩。而賤有所必隆也。在上下而有齒。

者○意其不乏於古○惟其可尚之有所存○是以詩書無
得而多稱焉○尚之曰君○而有稱者莫如衛武公○尚之
曰叟○而有稱者自華封麥丘絳縣三數人之外○不得
苟以老名也○武公之聖○固無所愧於下○然欲退而從
鄉先生長老○几杖安車遊宴之衎樂○而有所不能○三
老之高○固無所羨於上○然欲進而據公卿大夫寵數
事業之崇顯○而有所不可得○齒之在於上世○而有可
尚者○得人之難○既如彼○其於所享之宜○而取數之寡
又若此○某於是益有慕於唐有懷公矣○公毗陵世家
代有顯人○非有泥塗之辱○起家守信陽州○復守永州

府得千里之地而長治之以君之政教施其境內金
錫圭璧之德加乎民至於久而不可諼申謝舊土疑
山湘水襟帶之邦歌舞其治洋洋如也及其解印謝
事休於百瀆之上遺前日之榮膺而盡屏身外之紛
華田夫樵子相偶爲徒雖唐堯在上齊威爲國曾不
得一見之行年七十而貌愉悅聰明有加于昔德如
武公而有其所不能高如華封麥丘絳縣老人而行
其所不得行其所不得而棄之爲其所不能而安之
人之尚公者一以爲君公則不專於貴一以爲叟老
則固未嘗辱於賤也邦人子弟交欲祝且養焉以致

其敬愛皓顛鮐背。隤然氓其上下之所處而忘年數之不足。古之有德而齒足尚者。莫如公取數之多也。某以通家子。遠在下風。不得從子弟祝養之從。而特序其盛。以寓欣慕之意云。

夏鍾曰。意言參差有致而復澤之以風雅。令人神搖目動。

壽封君蓮溪田先生序

今上在位踰三十六年。天下方樂有道之長。朝廷之上。尤以恬晏豐豫爲太平極治之嘉。會天子端拱深居。養玄默。致虛靜。以納和介。嘏而頌萬壽難老之祥。十有餘年之間。郡公卿士咸喜自得。謂仕於化國而

遊仁壽之域。其樂熙熙如登春臺。所以祝聖人之壽者。其儀孔多。而誠惻特至。是時春官實司其禮。而燕山廷翰適爲郎於禮部。草具儀節。陳飭噐數。勞忱備著。蓋躬際休美。而受上之好賜甚渥。可謂盛矣。君以望資高。拜廣東布政司參議。職當宣布天子綏遠。厚下德意。推之政事。以幸百粵之氓。尊高年。養黃耆。使老老之風。達於嶺海。雖遐荒絕陬。亦熙熙然如京師之樂。而後爲能明將上指。敷錫在下。而化國之長日。不特在朝廷也。君過家覲省。尊甫封君蓮溪翁。翁年甫六十。君拜慶於堂。俯而興思曰。人道之重。莫君親

怠一舉事一發言必告之於神神亦往鑒其意而孚之若相告語豈非不詔而興於上之教者耶吾知翁之所以受福於神而承寵於君者交益而未艾而廷翰君之爲其親悅尚有進於今日者序以爲張並以爲侯

夏鍾日出能顯親之教入能顯君之賜議論自大

祝郡侯方西川公壽序

國人愛願其君祝焉以致其情古之道也祝之之辭必於壽焉致意詩人所稱曰遐不壽考曰眉壽無疆見於古者厥惟舊矣彼得有其國而其人以爲君此

禮之所宜有也。施之於今。有合乎哉。今之爲吏。而其
義近古之有土者。惟郡守邑令。有民與社。類所謂諸
侯大夫之得爲其國家者也。雖不得有其民。然所以
長治拊安之。其政與權。殆有君之義焉。如是而愛願
之。則祝焉。以致其情。此禮之有合也。桐城方侯西川。
爲泉州。吾民之所愛願。私相與語。幸其有君如此者。
環所治七邑之人。莫不皆然。其欲祝侯之壽。乞於其
邑之大夫汪君瑀。而來請於某。使善爲祝辭。則安溪
之民也。夫勤其事。而安其佚。我者之報布其利。而享
其厚。我者之奉吏與民。交相爲賜。上下兩易。以治養

荀○足○以○相○酌○則○上○焉○者○泰○然○受○民○之○愛○願○無○所○不○敢○
當○也○其○民○亦○且○愛○願○之○矣○侯○之○爲○郡○勞○已○以○爲○民○而○
未○嘗○煩○之○使○之○報○我○以○逸○也○嗇○身○以○惠○下○而○未○嘗○費○
之○使○之○奉○我○以○厚○也○民○之○愛○願○之○宜○其○如○子○之○於○父○
母○侯○猶○且○歎○然○若○不○能○當○盖○古○之○有○道○仁○人○其○用○心○
行○事○常○出○於○是○宜○其○愛○助○于○天○篤○慶○集○祥○眉○壽○無○害○
以○副○邑○民○歸○祝○之○情○而○不○爲○虛○也○古○之○有○其○國○者○享○
年○彌○多○則○施○澤○彌○久○民○之○祝○之○雖○誠○出○於○心○猶○爲○有○
所○賴○於○其○利○與○勞○欲○其○久○於○爲○政○而○永○有○以○賜○我○也○
今○之○爲○吏○有○褒○進○明○陟○之○法○長○治○拊○安○之○績○旣○著○則○

有陟而之他矣。民之祝之尤爲無所私賴。出於愛願之至。視古之義殆有加焉。而余文之以此詞可以無媿於詩人之所稱矣。侯之必得其壽也。益有可信夫。是歲庚戌侯年六十初度之辰。九月二十九日也。

夏鍾曰民之祝上雖出于誠嘗因位之久暫以淺深其情此亦深一層之論而丰神韶秀可悅

壽程母楊太宜人序

嘗讀詩見魯人之頌僖公。侈爲敷揚。而工極藻飭。以述其休美。祈其福澤者。其詞爛然文矣。其歸獨致意於壽母。蓋國人之所以願其君者。必上及於母。而後爲愛之至。且夫考鍾慶之原。而得其所自生。論成善

則○君○也○邦○人○願○侯○而○頌○之○而○及○其○母○於○禮○固○宜○故○予○
推○魯○人○之○頌○之○義○以○卒○大○夫○庶○士○之○請○以○順○邦○人○之○
願○所○愧○老○矣○而○辭○不○文○

夏鍾曰情深而文明先生晚年諸序無
甚異人却令人不可攀躋進乎技矣

壽易太夫人九十序

易太夫人以令善懋闔儀爲鄉人大母於今年九十
矣太夫人長子愧虛先生德學爲一時所宗事太夫
人孝謹棄官歸養娑婆泉石之間以人倫爲悅先生
行年七十○蒼眉皓鬚○可以杖於國中矣○其奉庭闈之
懽起居扶持嚴於爲子弟時率二弟時興時學朝夕

謀所以安太夫人者。往往執其勞役。治其細物。以躬自勤。爲至樂。不使弟代之也。太夫人年彌高。體彌健。視聽聰明。加於昔時。室中之事。有當自爲。不肯以屬卑幼。其神思記注。而儀節皆悉。有女婦所不能者。先生出爲鄉人父。而入則有子弟之樂。孝謹家名於鄉中。先生之友。多鄉之賢達長者。並有父之望於鄉。以其與先生友。皆母事太夫人。而鄉之才子弟。多以父事先生者。又事太夫人如大母。一時孝弟之風。行於家。達於鄉。由太夫人之高年備福。其風大著。而久洽。方先王盛時。養老之政行。國中無見遺之年。非獨鄉。

之人能老其鄉之老而其家子弟皆無不自老其老
後世政失俗微寧獨老者不得爲鄉人所事而已雖
其子弟有不能老其家之老者矣而太夫人所享如
此蓋政俗微失之際獨於易氏之門追存治古之風
豈不盛哉然古之子弟知自老其老要其政有以篤
之使隆觀之使厚而未必其子之果能賢也彼老於
其子弟之老者雖得其所養而未必其氣昌神裕康
疆逢吉而無患也太夫人年高而體健猶能執女婦
之所治陶然宴豫於閨闈尊受子姓撰具侍娛之安
而先生又賢也是其所享有治古之老不能兼得而

備有者豈不爲尤盛哉某在諸子弟中最不爲才而以父事先生之日久當太夫人九十行年十二月二日誕辰之慶旣從鄉之長者旅進百拜以祝太夫人無疆之算後見之於文以發明其盛諸長者以某之言爲然遂書以爲祝壽序

夏鍾日時平不惟家子弟自老其老鄉之人亦老之政衰不惟鄉不老之家亦不能老之無恨感慨

祝龍母黃太安人壽序

禮之有祝其近於僞與福澤休吉得乎天者不可易而賦於命者莫之致今將以其歸美之譽媚順之誠求合乎勿莫茫昧之間以致誠於此而錫祐於彼若

要之而可獲取之而往畀也果且以爲然乎哉然且爲之不亦殆於僞與愛樂尊戴其人也則必有願之心有願之心則必有祝之之文祝之生於願之願之生於愛樂尊戴之故先王爲之立其禮以著教而達人之情而豈以爲僞哉俗降禮失祝之義不行於世而人間稱壽之儀猶存古者致祝之意且其備文縟而講容盛於古有加焉雖其已多於儀然而人子以奉其親與夫交游戚屬以奉其子之親亦所以敦人倫而厚民風誠加於古而不爲過也然有不出於愛樂尊戴之情本無是願而侈爲其祝冒焉以施

諸其親而苟焉以媚其子者其失古之意不亦遠與
禮之失而僅有存者人間稱壽之祝而其失又若此
如漳州龍溪士民之祝龍母黃太安人其禮之意豈
非古者之僅存而曠見於今也太安人教其子龍南
岡君以才學爲名法從伉直忤時遭謫轉徙不悔其
志量移丞郡奉母之教以其所學用之於政以及其
民其民愛樂尊戴之矣相與謀曰郡丞之賢太安人
之教也烏有父其子而不太母其母哉則相與語曰
太安人吾之大母也烏有爲其孫子而不知祝大母
壽哉於是合詞請於龍溪尹林君以來乞文蓋今之

祝者爲其族屬與其姻戚交游。各以其情之所及。篤其子以奉其親。其黨有所專。其數有所儉。已爲可以敦人倫而厚風俗。而猶有於祝則然。而愛樂尊戴則不然者。今將合一國之人以奉其親。其情至而詞信。願之之誠而祝之之公。非徒於今爲盛。殆將在古而曠見也。古之爲祝者。以著教而達情於禮則然。而非必以爲有益於願也。今合一國之人之歡。以爲祝。洋溢周浹。導和迓祉於以祈。無疆而錫難老。蓋必有益矣。太夫人之壽。寧復有涯。予爲此文。豈以爲媚郡丞君而已。

夏鍾曰委婉頓挫能動搖
人心得之壽文尤爲匪易

裴母周氏貞節序

古載籍可見其辨於婦人女子之事莫詩詳矣事之
大者宜莫如節禮所謂一醮不改名之曰信是爲婦
德而所以事人者也今考其詩以節著者共姜一人
而已詩之所載自芣蘋湘藻采芣采蕨抱衾宜鴈雜
佩畜旨敬一職而勤細事既皆錄於師氏仲尼存之
以爲教不宜詳小而顧畧於大豈詩之所載皆婦人
之能言者其以節自全者或偶不能言師氏無從采
而仲尼亦不得而存之歟至於春秋所書終始全節

不失婦道者○惟紀伯姬○又何其○靳也○豈其○書法○與詩○
不同○閭閻井邑○民庶之事○不從於赴告○雖欲書之○而○
有不得歟○然諸侯公卿夫人○有家國之佐○範於禮而○
約於訓○尤宜有以自全○而其可書之○靳如此○况於民○
庶之末哉○而彼生於教民俗刑之時○其有節與敬職○
而勤事者○宜無不能言○又不宜其偶不能言者○卽爲○
有節也○由是以推而節之難全也○益可見矣○以彼世○
之盛若此○而世之後者可知矣○中國若此○而地之遠○
者又可知矣○吾所爲序者○始興裴母周氏○蓋婦人之○
有節者也○觀其不二其心於生死存亡之變○而確然

以禮自防皎白完善終免於凌暴黜汙之患力撫其
子督使有立門戶起而宗祊延亦其才足以輔其心
而能然歟以時之今地之遠而其人若此豈不尤爲
難哉吾蓋有感矣夫詩之于民庶得詳矣其有節而
可載者以不能言而不與存春秋所書不必其能爲
言也又以民庶之賦而不得列則彼婦人之有節而
幸生於詩與春秋之時猶有不遇之恨也而仲尼之
於是書其於欲搜著內美以顯垂陰教之意其亦不
能無憾矣乎吾之於周氏其敢謂使之無不遇哉然
而闡發幽側以輔翼世教固將學於仲尼者也方求

三才圖會
夫事之可載者使見於文○安得以其生之微而廢之○
吾之爲此序其亦竊有取乎仲尼之旨而周氏之果
不爲不遇也

夏鍾曰詩于民庶得詳以不能言而不與存春秋
不必能爲言又以民庶之賤而不得列絕妙感慨

范母易氏貞節序

昔夏侯令女○不忍曹文叔之死○誓以節自終○爲曹氏
婦而迫於父母○至於割截鬢髮○剔劓耳鼻○然後免於
見奪嗟夫彼其愛不出於烈行令名○而苟以保家室
之歡爲不失生子者之大願○如是而爲人父母兄弟
固亦鄙矣○獨怪令女之節○其英爽足以激發來世而

不能喻當時之親。其惻懇足以悲感仇讎。而不見信。同體之人。豈其慷慨迫臆。獨立不悶。有以自持。而誠心精意。伏潛著隱。尚有所未至歟。夫髮斷耳削。形已毀矣。彼區區之愛其女者。猶欲修其已毀之形。而飭之。取其必守之節。而奪之。豈非其無苟他之志。而猶有可惑之容耶。故使父母疑其容。而兼失其心。令女亦知以容自累也。故其計出於殘膚傷體。而後得免。嗚呼。可以爲難矣。然其志靡他。而容至於召疑。是其所爲苟難者。亦所以爲未至也。令女之事。余每以是悲之。廼今得見節婦易氏。益因以有感云。始易氏之

歸於范氏。而其夫君錫早死。又無子。以爲養也。其舅姑固以爲不能終爲范氏婦。欲再圖其所居。易氏賦栢舟之詩。以死自誓。其兄易愧虛先生。與其夫弟范玉泉君者友也。先生以責其友。范君以諫其父。而易氏之志。得以不奪。無殘膚傷體之痛。而志喻於內外之親。孝養慈育。脩有令善。余是以知易氏之節。非徒慷慨迫臆。足以自持。而精意誠心。獨有至者。蓋其所守。與令女同。而其所得。則令女有不及也。嗟乎。閨閣帷第。潛移默。感其歔歔。嘅嘆。有出乎情。有循乎禮義。其擗標哭泣。有動於慾。有激於倫常。其然其否。隙露

端引如聞室中之鍾聲音不能匿笑貌不能藏兄不
得以苟信其弟母不得以苟信其子而舅姑願得以
苟信其婦哉後世之士好以苟難爲賢震異尚刻之
行駭於聽而怵於視易至於有述精誠篤至窮微徹
幽非知德者不能辦也故予序易氏之節與令女論
而著之使世之士知其志靡他不愧於令女而其行
之難者乃在此而不在彼也

夏鍾曰令女處其難易氏爲其易均一節也而
幸不幸殊焉故人樂有賢父兄卽女子已然矣

節婦何氏敦獎序

凡有淑美卓傑之跡而著以爲世勸其明有衆人之

論其嚴有君子之書而其榮有王者之制王者之制與衆人之論有得有失每爲勝負而君子者嘗持所書以低昂於其間是非出乎衆人予奪作於王者美刺之權則君子之所有事也蓋有苟獲王者之制而違衆人之論則君子刺之以救衆人之所負雖其苟獲有不爲榮者焉蓋有同得乎衆人之論而不蒙王者之制則君子美之以助衆人之所勝雖其不蒙有不爲不榮者焉其論是其制奪其論非其制予是論之公而制之私也故君子得以美其所奪而刺其所予有制之公而亦不得予其所是焉則君子蓋嘆之

廼從而美之。如吾友王思順之母何氏。豈非吾之所
嘆者乎。婦有不幸其夫死。而不忍死其夫。育其遺孤。
養其父母。完其身。以歸。見死者。而心不忤。是淑美之
德。而卓傑之行也。國家有旌節之典。載在令制。以待
四方之。以其事來請。而予之。然其制。今日必年踰五
十。王母之節。皦然白著。而年未五十。以卒。吏於是土
者。莫不聞其節。其爲是土之民者。莫不以王母之節
聞。而亦莫之請也。夫有淑德卓行。足爲世勸。而不得
著。以勸於世者。制不設於上。而論不行於下也。上無
其制。下之論誠行。不得強而爲之。下無其論。上之制

誠○設○烏○乎○知○而○取○之○旌○節○之○典○制○之○所○載○也○王○母○之○
節○論○之○所○同○與○也○然○以○年○不○及○令○而○不○得○請○豈○非○制○
之○公○而○衆○論○之○是○亦○有○不○得○予○之○者○乎○此○君○子○之○所○
爲○歎○而○郡○侯○邑○大○夫○所○爲○致○禮○而○敦○獎○也○君○子○之○書○
於○是○乎○不○可○不○行○於○其○間○矣○王○者○之○制○有○可○以○化○裁○
而○衆○人○之○論○必○至○於○磨○滅○化○裁○者○不○可○知○而○磨○滅○者○
可○坐○而○計○其○不○化○裁○乎○而○論○存○也○固○可○以○勸○於○世○其○
化○裁○乎○而○論○不○存○也○則○世○之○欲○勸○者○尤○病○之○如○是○而○
君○子○之○書○蓋○不○可○以○已○矣○予○非○敢○謂○君○子○而○王○母○之○
節○宜○著○於○世○以○爲○勸○衆○人○之○論○有○時○而○泯○泯○無○聞○辭○

乎君子之名使淑德卓行不著而世無所勸則吾
黨之罪焉故爲之書曰何氏晉江人生十七而嫁爲
鄉進士王忠先生妻嫁七年而先生歿其子天錫君
尚在腹中何氏知以大義自斷不爲迫抑推決急於
一殉以絕先生後而待天錫之生含哀致毀以禮自
防無一發齒舉足之過以敗其志先生復生質之不
慚其言動有法事舅姑孝敬愛子能訓之以義具有
令德而其節尤著鄉人莫不稱爲王節婦云

夏鍾曰君子之書所以贊王制之不及補衆論之
未備說得有關係可以慰節婦之心著勸世之典

贈韋孝子序

寡婦之子非有見焉。弗與爲友。果其以迹爲嫌。如言
禮家所云耶。必不然也。由王政所施之義。推之則寡
者方與孤獨而鰥者。先在賑收救助之數。由君子之
心行之。則廣其同體之愛。以急無告爲之。周旋維護
其所生。宜加隆於不孤之子也。今乃以其母之無夫
也。而嫌焉。而不敢友其未有見之子。豈先王設教之
旨哉。夫嫌之爲義。有存於禮者。謹男女之別。明內外
授受之儀。蓋自有節。而豈以寡者之家爲不可入也。
且人子之能有見者。何從修哉。必有師友之益。以資
開發。輔植立。而後可以有見於世也。今必俟其見而

後友之則爲子於寡母之懷者非生而有知凡待教而善須友而有成者終不得有友也其果近於人情哉先王之教未嘗不欲人之子皆有成而尤望於寡者之子之至蓋其失嚴父之訓無所視稟而易情非峻爲之儆則無以發其志而以仁孝之情求之則其母子相依之間上靡有怙外何所從其哀思於煢疚勤瘁於艱厄宜痛有以懲毖其精神尅艾其意氣而感發於修爲視有怙之子當百倍焉顧不能勇於自立而藐無善狀能聲可稱於人斯亦不足友也已其言蓋曰爲寡母之子而不能自力以有聞則君子之

所○棄○矣○斯○義○也○固○若○責○之○過○備○其○爲○淡○憫○重○恤○乎○斯○
人○之○子○顧○爲○獨○至○也○此○設○教○之○旨○也○吾○持○是○以○論○於○
今○尤○不○敢○忽○乎○斯○人○而○於○鄉○獨○得○韋○君○君○之○母○早○寡○
專○一○室○以○幽○居○備○嘗○百○瘁○貞○心○匪○石○彌○堅○而○不○可○轉○
君○感○母○之○苦○也○矢○必○爲○君○子○一○跬○步○一○發○語○而○不○敢○
忘○母○朝○夕○乎○左○右○之○養○而○視○聽○於○形○聲○之○微○蓋○無○可○
違○之○志○亦○靡○有○不○用○之○勞○矣○宗○族○鄉○黨○皆○以○君○爲○孝○
子○不○間○於○彼○此○之○口○觀○君○所○以○謹○四○體○之○保○至○於○夙○
興○夜○寐○不○徑○不○遊○凜○乎○臨○淵○履○冰○之○懼○也○思○檢○其○言○
行○之○過○則○不○敢○慢○惡○於○人○嚴○輿○臺○如○賓○煦○穉○狂○若○長○

者而傲言侮行不敢出於口而設於躬也斯亦可謂
自力而能以善聞者矣吾方敬而事之而奚友之足
云抑又有感矣古之所謂見者皆必有顯名盛位焉
蓋士修於家君必求之求則無不得者而命數及之
故得以兼名位而稱有見也後世忽士而不求閭巷
隱約自修有老死於簷戶奧漏之下而已故以君之
自力克敦天地之經以立百行之本而不免爲鄉里
窮人亦其所處之時然也時之既降則徒知顯名盛
位之爲見而見之在於自修力爲善者有莫知之矣
故子特著之文以爲君贈使人知古之設禮者所望

於寡之之子之至其義如此又以知所謂見者其實不在彼而在此也

夏鍾曰從先王設教之旨與君子與人為善之心推出知必有深憫重恤乎寡者之子而向日讀者之誤得先生發明之而其義始出矣





